

2076 in.

393

-105-

19 NOV 2011

ԵՐԻՈՆ ԽԱՆՁԱԴԻ

891.99

$\mu = 24$

142

Lec 10

ԱՅԻ ՆԵՐՍԵՒՔԻ ՅԻՇԱՏԱԿԻՆ



(Թուուցիկ յիշաղաւրիւներ Շօջայի արիւնստ անցեալից).

1001
1991

Հրատարակութիւն

ԱԱՐԳԻՍ ՆԵՐԱԿՄԱՆԻ



ՏՊԱՐԱՆ ՄԱՅՐ ԱԹՈՒՌՅ ՍՐԲՈՂ Էջմիածնի

1907

I.



Պեռ ոչ մի անգամ ճանապարհորդութիւնը
այնքան ոգելից, այնքան հմայիչ կացութիւն չէր ստեղծ-
ծել ինձ համար, որքան իմ այս վերջին վերադարձը
դէպի իմ հայրենի ծննդավայրը: Երկու օր էր, ինչ
մենք անընդհատ գալիս ու գալիս էինք. սակայն ոչ
մի յոզնածութիւն, ոչ մի հոգեկան թմրութիւն չէին
զգում իմ ոչ այնքան առողջ նեարդները: Ընդհա-
կառակը, հոգիս ասես ամեն ժամ, ամեն ըովէ ձըդ-
տում էր սաւառնել դէպի վերը, դէպի անհունը, ուր
երեակայական սրաթռիչ հովանու ներքոյ կեանքը
հեռում էր իր երփներանգ գոյներով, իր հազար ու մի
սքանչելի քաղցրութիւններով, և ես ասացի միշտ
կանգուն ոգեսրութեամբ լողում էի երազանքների
այդ բիւրեղացած աշխարհում և որքան առաջ էի
ընթանում: այնքան ինքնամոռացութիւնը իր մնջիկ
թևերով կապում, կաշկանդում էր ողջ էութիւնս
..... Աւազ, քս՝նի տարի է, երբ ես ստիպուած
կեանքի գառնազին և հոգեմաշ հարուածներից և
նոյնանման ձախորդ հանգամանքներից տուեցի իմ
վերջին հրաժեշտը իմ այն նույիրական հող ու ջրին
և հեռացայ, ինքս էլ ուշքի չառնելով թէ՝ ինչու եմ
այդպէս վարւում: Եւ անողոք կեանքիս աստանդա-

կան նաւակը երկար-երկար տարուբերելով այս ու այն
անհիւրընկալ վայրերում վերջապէս միայն այսօր
փոխեց իր զեկը դէպի իմ պաշտելի ծննդավայրը:
Եւ ես գալիս էի

Գալիս էի, բայց արդէն սևահոգի ճակատազիրս
այնպիսի դառն, այնպիսի սթափեցուցիչ դասեր էր
տուել ինձ, որ ես հոգեպէս զգում էի, թէ երկար
չպիտի կարողանամ դարձեալ հանգիստ առնել իմ
այդ անուշիկ հող ու ջրում: Իմ այդ բացակայու-
թեանս միջոցին նա, այդ դաժան, այդ աներես բաղդա-
մի շարք նուիրական գերեզմաններ էր պատրաստել
ինձ համար: Գալիս էի և մելթ ընդ մերթ ինձ ու ինձ
հարց էի տալիս. «Միթէ իրօք նրանք չկան այլես.
միթէ այլես իմ նազելի, իմ անզին մայլիկը սրտի
անհուն բերկրութեամբ լցուած՝ լեղապատռ եղածի
նման չպիտի դուրս թռչեր և «թալայ ջան ազիդ
ջան», ճշալով, չպիտի փարւեր իմ պարանոցովը: Մի-
թէ իմ միշտ մելամաղձոտ, միշտ մռայլերես հայրիկը,
համաշափ չըխկացնելով իր տէրողորմեան, չպիտի այլես
բաց աներ իր արձակ ճակատի թախծոտ կնծիոները և
համբուրելով ինձ չասեր. «Լաւ ես, լաւ, փառք Աս-
տուծոյ»: Եւ վերջապէս, միթէ հարադատներիս, ըն-
կերներիս ստուար բազմութիւնը այլես չպիտի շրջա-
պատէր ինձ և իրանց հարցերի հեղեղներով չողողէր
ողջ էութիւնս: Թէև աննկարագրելի ծանր էին այդ
ամենը ինձ համար, սակայն ցնցող իրականութիւնը
իր բոյոր այդ անփոխարինելի կորուստներով մի ցուրտ
սարսուռ ազդող իրականութեամբ արդէն կանգնած
էր առաջիս իր հիամթափիչ դարշելիութեամբ: Չնայած

այդ այդպէս էր, սակայն ես տակաւին չէի հաւատում
ինձ և ողջ էութեամբս լսելիք դառած՝ ունկնդիր էի
այն հազար ու մի փսփսուկներին, վաղեմի պատմու-
թիւններին, անցած-դնացած սև օրերիս քաղցրախոչ
յուշերիս, որոնք մի առ մի ասես լոելեան թւում էին
ինձ մեր իւրաքանչիւր քար ու թուփը, որոնց ամեն
մէկի հետ ես կապւած էի մի-մի նուիրական պատ-
մութիւնով:

Այս այդտեղ էր իմ հինաւուրց կեանքը. այդ-
տեղ էր իմ մանկութիւնը

Մածկուած քառաձի հանրակառքը օրօրւելով
առաջ էր ընթանում և միայն կաշեայ պատերի մի
բացուածքից էի ես նայում մեր դար ու դաշտին և
իմ մերթ քաղցրախոչ, մերթ խուվայոյզ խոհերի
գիրկը ընկնում: Ընկերներիցս մէկը մի քսան տարե-
կան ուսանող էր, որի խուճուճ մազերը և ընդհան-
րապէս մազձոտ տեսքը վկայում էին, որ նա գտնեւում
է իր այդ հասակին յատուկ խանդագառ կացութեան
մէջ: Նրա անունը Բ..... էր, սակայն ընկերները
կանչում էին նրան Դալի-Ղարդաշ: Միւսը՝ մի 60-ին
մօտիկ ալեխառն ծերունի էր, որի դէմքի վրայից օր
ու գիշեր մի վայրկեան անդամ չէին հեռանում տըրտ-
մութեան այն հովերը, որոնք նման բարձրագագաթ
լեռների այն վիթխարի կատարներին, որոնց վրայ յա-
ւէտ թառած են լինում սև-սև թուղպերի թանձր
շերտեր: Մնացած ընկերներս այնքան չէին գրաւում
իմ ուշ ու միտքը: Մեր ամբողջ այդ ճանապարհոր-
դութեան ընթացքում միայն երկու անգամ էր խօ-
սել այդ թափած ծերունին, ներսէենց Սագէն, այն

Էլ երբ ես փորձել էի դուրս բերել նրան նրա այդ հոգեկան խոռվ զրութիւնից: Եւ այդ ժամանակն էլ նա տալիս էր ինձ միայն կցկտուր պատասխաններ, որոնք առաւել ես համոզում էին ինձ, որ ծերունին տանջում է մի հոգեկան խոռվ վերքերով, որոնց ժահը պալարները թերես իմ կարծածիցս էլ աւելի խորն պիտի լինէին:

Վերջապէս, մենք զգալի շափով սկսեցինք մերձենալ մեր ծովակին. Ես թէե այդ չէի տեսնում: սա կայն գեռ մանկութիւնիցս ականջներս իւրացրել էին այդ ծովակի դարդոտ և սգալից խոռվ հեծեծանքը, որը թէ ահեղ քամիների և թէ մեր երկրի հովասուն զեփիւոի հետն էլ միայն ու միայն ինձ իր դարաւոր վիշտն էր փսփսում: Որպէս զի տեսնել կարողանամ ծովակը, ես աւելի ես բաց արեցի կառքի կաշեայ պատը: Այժմ միայն տեսայ, որ մի քանի ըոպէից յետոյ զրեթէ մեր ճանապարհը ուղղակի ծովակի եզերքովն պիտի ընթանայ, որի շուրջը բնութիւնը զարդարել էր իր ինքնուրոյն, իր գեղանի վըրձինով, որը երանդերանդ թաւիշով թւում էր ծածկած լինէր և քանի աչքդ կտրում էր, այնքան աւելի այդ սքանչելի, այդ զեղածիծաղ պատկերը մի շտեսնուած փառահեղութեամբ շարունակում էր:

—Սագէ ապեր, արժէ այս զեղահրաշ բնութեան ծոցում մի լաւ նախաճաշել. համ ձիերը կհանգստանան, կարածեն, համ էլ մենք փոքր ինչ կմեղմենք մեր յոզնածութիւնը,—նկատեցի ես:

—Դու զիտես, որդի, քէֆը ձերն է, որ դուք

բոլորդ էք ցանկանում, ես ինչ կարող եմ աս!՝ մի լրեւող բայց դառն շեշտով առաց նա:

—Որ էդպէս է, մենք բոլորս համաձայն ենք փոքր ինչ հանգստանալու, —գրեթէ միաբերան վրաբերեցին մեր բոլոր ուղեկիցները, —իջնենք, ահա հասանք ավին:

—Ի՞նչ ափի, —յուսահատական թիւնալից շեշտով հարցրեց Սագէն, որը կարծես քնից նոր զարթնածի նման նոր ուշքի և կաւ:

—Մեր ծովակի ափին, —նկատեցի ես, —տես, ահա, այս ասելով, ես նորից բաց արեցի կաշին

—Այս էլ էդ ծովը էլի էդ անիրաւը ... ի՞նչու էս անսատուած ճանապարհովն եկանք, —մի խոցալից թիւնոտ ձայնով արագաւրագ կրկնեց նա, որը հազիւ-հազ մենք կարողացնք լսել, որովհետեւ ճանապարհը սկսեց զառիվայր իջնել գէպի ափը, և ձիերը սկսեցին աւելի արագացնել իրանց արտասովոր վազքը, թէե ուժեղ զսպանակը մի հուժկու թափով արգելում էր այդ:

Վերջապէս հասանք. մենք բոլորս լեռնային չարաձնի այծեմի նման զուրս թռանք կառքից: Այժմ միայն ես նկատեցի, որ Սագէն տակաւին անշարժ է իր տեղում, գլուխը կորացնելով գէպի առաջ այնպէս, որ նրա դէմքը աննշմարելի էր մնում մեզ համար:

—Դէշ, Սագէ ապեր, ել, հասանք, —նկատեցի ես:

Սակայն որքան մեծ եղաւ իմ զարմանքը, երբ մեր ինքնամոռացութեան և խառնաշփոթութեան մէջ նոր իմացանք, որ դժբաղդ ծերունին ուշագնաց է

եղել: «Ջուր, ջուր, տղերք, Սագէն նուաղել է, ուշ չկայ խեղճի վրայ»

Դեռ ևս չեմ վերջացրել, երբ Դալի-Լարզաշը վագրի ճարպիկութեամբ լցրեց իր գտակը ծովի ափից և թըռաւ գէպի ինձ: Երբ ջուր սրսկեցինք նրա գունաթափ երեսին, նա փոքր առ փոքր զգաստացաւ, սթափւեց: Մինչ այս, մինչ այն, մենք բոլորս դուրս բերեցինք նրան կառքից և պարկեցրինք դետնին սփռւած գորգի վրայ: Նա այդ ժամանակ միայն բաց արեց իր մռայլ աչքերը, որոնց պղտոր տեսքը պարզ վկայում էր, որ վտանգը գեռ չէ անցած. ապա լուռ դիտեց մեզ բռուրիս, որից յետոյ ուղղեց իր ցասկոտ հայեացքը դէպի ծովը: Երկար չմնաց նա այդ գրութեան մէջ. յանկարծ մի կատաղի ոստիւնով ոտքի թռաւ, գէպի ծովը վաղեց և «բալայ, ներսէ, իմ աղնահուր, ինձ էլ ինձ էլ . . . առանց քեզ իմ օրը սե է, իմ արել խաւար է» ճշաց ու վայր ընկաւ դետին վերսորին թռւլացած:

Այս գրութեան մէջ մենք առանց յապաղելու հասցրեցինք նրան մօտակայ Գ. . . զիւզը, ուր մի քանի՛ օր մնալով նա ապաքինւեց և բացատրեց ինձ իր սիրու:

III.

Այն, ինչ սրտի մի խորին դառնութեամբ պատմեց ինձ Սագէն, ես երբէք, երբէք մոռանալ անկարող եմ: Տակաւին մի առանձնակի սգալից շեշտով լըռւում է ականջիս նրա վշտալից ձայնը. «Ա. Ղաօ, հազար ու մի տենչանքով, հազար ու մի այրւած վափագով երկրէ-երկիր ընկայ, այս սրբի, այն սրբի դուռը դուլ գաբձայ, սրտի անհուն բերկրութեամբ մեր հինաւուրց, մեր անճարների պաշտպան Մշու Սուլթան Սուրբ Կարապետի լուսաթաթախ նուիրական գերեզմանը համբուրեցի, որդի խնդրեցի, ներսէս ջան, բաւայ, որ քեզ սէզիւմնն թաղէի . . . Ա. Ղաօ, այն օրից սկսած՝ երբ քեօռ բաղզը լուց քեզ ինձանից և զրկեց քո հայրենի զիւզը, Ղուլալին, իր կտրիճ զաւակից, ոչ թէ մենակ ես, այլ ողջ մեր Ղուլալիի քեզ ծանօթ շրջակայքը իր նոր-Բայազիտով ողբակից է անբաղդ հօրդ» . . .

Եւ չնայած, որ քանի ժամանակ է, ինչ զժբաղդ գաւակի, նոյնքան զժբաղդ հայրը պատմել է ինձ իր վիշտը, ես, ասացի, որ մոռանալ անկարող եմ, ոչ նրան, ոչ նրա այնքան սեաւոր պատմութիւնը: Մինչեւ այսօր այդ տարաբաղդ հայրը, որպէս մարմնացած դառնութիւն, որպէս վշտի մի ուրոյն արձան, թւում է կանգնած առաջիս և արիւն-արտասուք թափելով խռովազին մի ահաւոր շեշտով, սրտի անհուն գառնութեամբ անէծք ու նղովք է կարգում թուրք-հայ-

կական տմարդի արշաւանք կազմակերպողներին, որի ժամանակ Ներսէն թողնելով իր հրեշտականման, գեղեցկատեսիլ ջահիլեղնիկ ամուսնուն՝ Վարսենիկին, իր փոքրահասակ մինուճար Անդրանիկին, անմիսիթար մօրը, նոյնքան աւելի անմխթար և խելացնորութեան դուռն հասած հօրը, քոյրեղբայր, ազգական բարեկամներին, անցաւ հայ մարտիկների շարքը և որպէս նրանցից մէկը իր անվեհերութեամբ շուտով աչքի ընկաւ և զոհ գնաց իր նուիրական, իր փայփայած զգացմունքներին։

Դեռ մի ինքնուրոյն խորհրդաւորութեամբ շշընջում են ականջիս նրա ողբազին հեծկլտանքը. «Ա՛ն, պարոն, գուք ճիգեր եք թափում միմիթարելու ինձ. բայց մի մեղագրեցէք. անձամբ այցելեցէք, տեսէք իմ թառան Ներսէի լուսանկարը և, եթէ նկարների մասին գաղափար ունէք, կհամոզուէք, որ իմ կորուստը անփոխարինելի է։ Այդ նկարը իր առնական տեսքով պարզ վկայում է, թէ որպիսի գերմարդկային սիրտ է բարախել իմ անբաղդ զաւակիս կրծքումք։ Այս, անձամբ եկեք»

Մի քանի օր մնալով իմ հայրենի գիւղում ուրդարձեալ խեղդող տրտմութիւնը ամենուրեք հալածում էր ինձ, ես առանց յապացելու ուղերուեցի Ղուլալի կատարելու ծերունի Սագէի խնդիրը։

Երանի չգնայի. տեսարանը և յնցող էր և ուրտամաշ։ Գժբաղդ ծերունին հեռում էր ծով գարդի տակին։ Սակայն մի բան ոգորեսութեան անյաղթ թեւեր էր ասես տալիս ինձ, որ ես մօտիկից ուսումնասիրելով այդ միջավայրը, վճռեցի գրի առնել այն ա-

մենը, որոնք ստեղծագործել, կռել-կոփել էին Ներսէին նելքինը, որպէս անձնուեր մի անհատի։

III.

Յուլիսի վերջերն էր։ Աղգաղի երփներանդ լեռնալանջերը գրեթէ մի սրտատոչոր ամայի տպաւորութիւն էին թողնում նայողի վրայ։ Նախորդ տարիների նման այլևս չէին վիստում այստեղ-այնտեղ հազարաւոր ոչխարների հօտեր և ուրիշ չորքոտանիների նախիրներ, որոնք ամեն տարի իրանց անմեղ բառաշով թւում էր կենդանութիւն էին տալիս այդ լերանող շրջակայքին։ Զկային սար եկողների «օբաներ»։ որոնց խայտարդէտ վրանները տարուայ այդ ժամանակին իւրաքանչիւր քայլափոխում հանդիպում էին քեղ և յիշեցնում էին վաղեմի մարդու անփառունակ, բայց և անարատ և անմեղ կենցաղը։ Թւումէր, թէ մի գիւթական, մի գիւային չարագաւ գաւազանի նոյնքան չարաշունչ հարուածով ողջ քար է կտրել համայն այդ բնութիւնը։

Մութը նոր էր կոխել, և այդ մունջ շրջակայքը հետզհետէ խորհրդաւոր ու ահաւոր կերպարանք էր առնում, որը քանի գնում, այնքան աւելի տագնապալի էր գառնում և ահ ու սարսափ սփռում ամենուրեք։ Գիշերային այդ համատարած և խեղդող մըթութեան մէջ մերթ ընդ մերթ լուսում էին այս ու այն հեռաւոր ժայռերի խոռոշներում ծւարած նեն-

գամիտ բուերի չարագուշակ բւոցը, որը զիշերուայ այդ պահուն ոչ պակաս սարսափ էր պարունակում իր մէջ:

Խաւարի այդ դարաւոր սգալից երգիչը իր այդ միապաղաղ վույ-վույով ասես մի անսասան ստոնասրութեամբ հեգնում էր և՝ կեանք, և՝ արե, և՝ լուսին, և՝ ողջ տիեզերքը

Ի՞նչն էր արգեօք տարուայ այդ եռուն պահուն ողջ այդ շրջակայքը կարկամած կացութեան մէջ դըրել. ինչու էր պապանձուել ընութեան այդ ժամանակուայ հրաշագեղ լեզուն և կամ ինչու խեղճուկ շինականի վաղեմի վրանների երանդ-երանդ շարանները չեին զարդարել, ինչպէս միշտ, այդ լերան բիւրաւոր բուրմունքներով լի ծփացող դար ու դաշտը: Ինչու Որովհետեւ մի քանի ամիս էր, ինչ հազար զիսանի հիդրայի նման ծառացել էր Դարաբաղի գեղջուկի առաջը հայ-թրբական եղբայրասպան կոխւը իր ցնցող, իր անողոք գոյներով, և ահ ու սարսափը համակել էր մեր վերան երկրի նոյն իսկ խուլ ու մութ վայրերը: Ոչ ոք յոյս չունէր, թէ վաղը կարող է կենդանի մթնացնել իր սե օրը: Եղբայրասպան կոտորածի, ալան-թալանի սե սարսափով լի ուրուականը իր անսասան գոյներով ցցւել էր առաջին և ամենուրեք հեռում էր նրա թողած վիշտ ու տառապանքի աղեխարշ հետքերը:

Բայց և այնպէս, եթէ մենք անցնէինք Աղբաղից գեպի հիւսիս-արևելք ընկած ձորակը, անշուշտ կը տեսնէինք, որ նրա սիզաւէտ փէշերին զիշերւայ այդ պահուն անվեհեր հսկայի նման կանգնած է մի ըն-

գարձակ վրան, որի սե տեսքը գրեթէ չէր էլ նշմարւում այդ համատարած խաւարի թեւերի տակին: Վրանից փոքր ինչ հեռու մի անշուք աղալում անվրդով որոնում էին ոչխարները և իրանց այդ անդադար որոնվ այնքան էլ չէին խանգարում տիեզերիքի քար լուսթիւնն ու շրջակայքի անդորր կացութիւնը: Իսկ վրանում հազիւ-հազ պլպում էր ձիթի աղօտ ճրագը, որը արտաքուստ այնքան էլ չէր նշմարւում:

Վրանի մի անկիւնում նստած էին երկու հոգի, որոնցից մէկը յիսունից անց առոյդ և կայտառ դէմքի տէր էր, որի աշքերում ստէպ-ստէպ փայլում էր կանգուն ոգեսորութեան այն կենդանի կրակը, երբ նամի խուլ շեշտով դառնում էր դէպի իր խօսակիցը. իսկ միւսը՝ քսանից անց մի յաղթանգամ երիտասարդ էր, որը, ըստ երեսյթին, գտնւում էր հոգեկան անմարելի խուվ դրութեան մէջ: Նա լոելեայնիր մեծ հաճոյքով լսում էր իր խօսակցին, բայց իրօք, նրա մռայլ, նրա յուսահատ ու պղտոր աշքերը արտայատում էին այլ բան. նա ինչ որ դադոնի ծըրագիրներ էր կազմում և իրան այնպէս ձեացնում, որպէս թէ ինքը լսում է իր խօսակցին, և այդ միայն նրան չփիրաւորելու համար: Երիտասարդը սպառագինւած էր այնպէս, որը որոշակի վկայում էր, թէ նա առանց յապաղելու մեկնելու է այդտեղից, և իր այդ սպառապինութեան մէջ երեսում էր նրա անվախ նրա անվեհեր հոգին: Դրանցից ոչ այնքան հեռու, թոնրի կողքին, նստել էր մի փոքրահասակ, բայց հըրաշագեղ աղջիկ ու կաթսայի տաքացրած կաթն էր.

խառնում ու զրոյց անում իր մօր հետը, որը նրա մօտին չորաթան էր պատրաստում:

—Գիտես, ներսէ ջան, մեծի չլսելը լաւ բան չէ, որդի. հէնց սկզբից ես հակառակ էի այտ տարի սար բարձրանալուն, բայց երբ դու քոնը պնդեցիր, ես զիջեցի քեզ, այ, այժմ տեսնում ես, որ իմ ասածը ուղիղ էր, ինձ ներսէնց Սագէ են ասում, ես իմ մեռնելու օրը միայն չփիտեմ, —խոռվայոյզ ձայնով նկատեց նրան ծերունին:

—Հայր, ինձ էլ ներսէնց Սագէի որդի ներսէ են ասում: լաւ իմացիր, ինչ արիւն, որ այժմ վազում է քո երակներում: նոյնը այժմ մի խուր, մի անողոք հրդեհ է բորբոքել և իմ երակներում: —մի առանձնակի դառնութեամբ ասաց որդին:

—Հարցը այդ չէ, որդի, այլ այն, թէ այդ կուով միթէ դու կարող կլինիս գտնել մեր «Դէրվիշին», որը մեր գաւառում մի հատիկ ձին էր: Հարցը այն է, որ դեռ երեք-չորս օր է, ինչ մենք սար ենք եկել բայց մեր ձին մեր աչքի առաջից թռցրեցին անիրաւ անհաւատներո: Էլ հնար կայ նրան գտնելու, վաղը, ով գիտէ, մեզ էլ թերես գողանան:

—Ի՞նչեր ես գուշակում հայր, չ՞ որ դու ինքդ ես հազար անգամ կրկնել մեզ, որ քո հայրը մի ապտակի համար մի ձիթհանք է շինել: Միթէ նրա ինքնասիրութիւնից, նրա անարատ «թասիրից» բնաւ գուրկ ենք մենք:

—Գուցէ և գուրկ չենք: բայց ապտակի պատմութիւնը ուրիշ է, գողացած ձիան պատմութիւնը ուրիշ: Հօրս մեր դրացիր ձիթհանքում ապտակել էին

և չին թողել, որ հերթը նա վերցնի, նա էլ փրփրուտած այդ բանից շինեց մեր այժմեան ձիթհանքը: իսկ դու, որդի, ի՞նչպէս պիտի գտնես ձիուդ, երբ կրակն ու սուրը բռնել են մեր արար-աշխարհը:

—Ե՛հ, հայր, երկչոտութիւնը և փոքրոզութիւնը համակել են քեզ: թէ այդտեղ և թէ այստեղ հզօր կամքի ոյժ է հարկաւոր: այնտեղ հզօր կամքը, վերաւորւած ինքնասիրութիւնը կառուցանում է ձիթհանք: իսկ այստեղ՝ պիտի աշխարհի որ ջահամից էլ լինի՝ գտնի սիրած կենդանուն:

—Տեսնենք, տեսնենք, լեզուի տակին ոսկոռ չըկայ: բլբլացրու, բլբլացրու, —զայրացած նկատեց Սագէն:

—Այո, կասեմ և կանեմ այ, կտեսնես: իսկ ինչ վերաբերում է թէ՝ մեզ էլ ձիու օրին կդնեն, կամ կսպանեն, դա, կստեղ, երբ ամեն քար ու թուփը մեզ ծանօթ է, էնքան հեշտ չէ:

Հայրը չառարկեց այս անգամ: միայն մի սրտամաշ ու խուլ ձայնով կրկնեց մի քանի անգամ «հըմ», «հըմ»

—«Հըմերդ», հայր, գիտեմ հեղնում են ինձ: բայց դու շուտով կհամոզւես: ես դեռ քեզ չեմ ասել: բայց իմացիր, ես հէնց էս բոպէիս պիտի ճանապարհ ընկնեմ: միայն սպասում եմ ընկերներիս, որից յետոյ մենք մեր ասածը կանենք: Միթէ իզուր ուխտ էր, որ մենք սրտաբուզիս կերպով տուեցինք դպրոցական նստարանի առաջը:

—Հա, հա, հա ... լսւեց հօր չոր, բայց հեղնական ձիթաղը: —իմ պապս էլ, երբ Հին-Բայազիտում հացթուին է եղել տեղական փաշային, մտքումը

Դրել է առևանդել փաշայի գեղեցկատեսիլ դստերը՝
քայց

—ի՞նչ քայց, —շարունակիր, հայր:

—Բայց փաշան իմացել է, և խեղճը հաղիւ-հաղ
ունեցած, չունեցածը թողել է ու փախել այս կող-
մերը:

—Լաւ իմացիր, որ անցել են քո հօր, քո պապի
ժամանակները:

—Ոչ թէ անցել են, այլ կրկնւում են

Սագէի խօսքը բերանումը մնաց, գիշերային ահաս
որ մթութեան մէջ չեռաց լուեցին մի քանի ան-
գամ սուր-սուր շւլոցների սուրոցներ, որից յետոյ
ներսէի դէմքից վայրկենաբար ցրւեց թափածութեան
այն մոայլը, որը պահել էր նրան ողջ երեկոն, և նա
մի ոստիւնով ոտքի թռաւ և ուրախ ժպիտը երեսին
կրկնեց. «Եկան, տղելքն են»: Գեռ նա խօսքը չէր վեր-
ջացրել, երբ հինգ զինւած երիտասարդներ մտան վը-
րանը ու միաբերան կրկնեցին.

—Բարի երեկոյ:

—Ա՛յ, Ասու բարին, —ասաց ներսէն, որից յե-
տոյ Սագէն դարձաւ դէպի իր կինը.

—Գէվօյի աղջիկ, այ, տեսնում ես մեր ձի
փնտողներին. իմ խելքս, կնիկ, քան չի կտրում
քոնը՝ չեմ իմանում:

—Ինչո՞ւ, քա մարդ:

—Նրա համար, կնիկ, որ բոլորն էլ չեն եփել
կեանքի բովում. մեր ներսէին, հօ, զիտենք. իսկ ու-
րանք բոլորն էլ անձանծթ չեն մեզ, բոլորի ծնւած-
քն ու սհաթը զիտեմ: սա մեր Պալի-Ղարդաշն է,

էս՝ մեր Սիրօն է, էս՝ մեր Մուշէն, էս՝ մեր Մոնթը,
էս էլ Աբեղան է, —մի տո մի թւեց եկաղների մակա-
նունները, —համա, կնիկ, եթէ զրանք խելք անեն
մեր էս աղջկան, Մարգարտին էլ կտանեն. էլի մի ոյժ
է, պէտք կդայ, —ծիծաղելով ասաց Սագէն:

—Քա մարդ, գու էլի քո կատակների տուտը
բաց արեցիր. ի՞նչ պակաս տղաներ են. գործն է մարդի
կատարելագործում, ուրեմն որքան գործ, այնքան
հմտութիւն:

—Ապրիս, կնիկ, ապրիս, զաս գուէլ կնաս:

—Որ զնամն քեզանից դօչազ կլինիմ: գու միայն
հարաւից, հիւսիսից խօսալ զիտես: Բայց լաւ իմա-
շեցիր, որ զրանց ամեն մէկի կրծքում մի-մի էնպիսի
սիրտ կայ, որպիսին գու քո յիսուն տարւայ ըն-
թացքում տեսած էլ չես:

—Պրծանք, կնիկ:

Մինչ երկու ամուսինները այսպէս փսփսում
էին ու զւարձանում, տղաները լաւ ընթրեցին ու
դուրս եկան, կորան խաւարի մէջ:

—Ձեր ջանին մատաղ, խեղճ հայի աւեր օջախի
կանդուն սիւներ, ձեզ բարի ճանապարհ. եղէք հաս-
տատուն ձեր անձնուրաց որոշման մէջ, իմ ասած-
ները հեգնանք էր Երկար-երկար մթութեան մէջ
լուսում էր արտասւող Սագէի երերւող ու ոգեսրիչ
ձայնը:



IV.

Աւանայ ծովակի արեմտեան բարձրութիւններից մէկն էլ կազմում է «Աւղլա» սարը, որի կատարին գտնւում է նոյն անունով մի փոքրիկ լճակ: Այդ սարից սկսւում է Գեղարքունեաց գաւառի հռչակաւոր հովիտը՝ «Այրի-Զայ», ուր իւրաքանչիւր տարի Արարատեան գաշտի բոցակէզ արեկ ճառագայթներից իրանց գլուխը փրկելու համար չւում են հաղարաւոր թուրք ու քուրդ սարւորներ և իրանց օրաներով մնում են այդ հովասուն, այդ ալեծածան հովիտներում, յաճախ մինչև սեպտեմբերի վերջերը: Տարւայ այդ ժամանակին այդ երփներանդ դար ու դաշտը ծփում է մի շտեմնւած, մի աննկարագրելի տեսարաններով, ուր հիւսիսից սպիտակին են տալիս վրանների անթիւ ու անհամար շարաններ: Ամեն մի ցեղ, ամեն մի գիւղ ունի իր սեփական օրատեղը:

Սակայն այնպէս չէր այս տարի բոլոր այդ սարւորները առանց ցեղի ու ազգի խտրութեան խմբւել էին մի ընդարձակ տափարակի վրայ, որի հարաւային կողմից բարձրանում էին պափարների ահռելի և լերկ կոյտեր իրանց բիւրաւոր ծմակներով, ուր պատսպարուում էին սարւորները յարձակումների ժամանակը: Այս տարի այդ բոլորի տէր և գլուխ էր հանդիսանում Քեօլանցի Մահմեդ աղան, որը իր աւազակային, իր արիւնուուշտ կատաղութեամբ գրեթէ իշխում էր բոլորի վրայ: Նրա ասածը՝ ասած էր,

Կտրածը՝ կտրած: Ո՞վ կյանդնէր ձայն-ծպտուն հանել նրա առաջ: Նա իր խստագին, իր ահեղ բնաւորութեամբ գրեթէ զինել էր ողջ սար եկողների բազմութիւնը և պատուհաս դառել շրջակայ հայ գիւղերի համար: Երբ այս տարի նա ոտքը գրեց Այրի-Զան, մի շտեմնւած փութկոտութեամբ զէնքի ընդունակներին զինելուց յետոյ սկսեց ճիգեր թափել, ինչ գնով էլ լինի, ձիեր ճարել գրանց համար: Հէնց այդ էր պատճառ, որ նրա ասպախումքը երկում էր ամենուրեք: Եւ մեր գաւառում օր չկար, որ սրա-նրա ձին չգողանային: Եւ այդպէս, մի քանի շաբաթւայ ընթացքում նա ձիերի մի ստւար ջոկ էր պատրաստել, որը գիշերները պահում էին վրաններից ոչ հեռու գտնւած փափարներում առանձին պահապանների հսկողութեան ներքոյ: Սակայն այս գիշերը պահապանների ողջ էութիւնը համակել էր մի ընդհանուր թուլութիւն, և նրանք բոլորն էլ տանջւում էին քնիածութեամբ: Քնի մառախուղը խեղճացրել էր բոլորն, և նրանք ակամայից նիրհում էին իրանց նստած տեղերում հաւատացած լինելով, որ շրջակայքի թուլասիրտ, երկչուտ ֆլաները սիրտ չեն անի անցնել Այրի-Զայի սահմանը: Եւ այսպէս է, երբ մի որեւէ վասնդ է կանգնած լինում անհատի զլիսին, թւում է թէ՝ յաճախ բնութիւնն էլ է նպաստում նրա իրագործմանը: Վերջապէս, նրանք արդէն ընկղմեցին խոր քնի մէջ և սկսեցին ազատ-համարձակ լողալ երազանքների աշխարհում: ուր օրւայ չարն ու բարին իրանց դաժան, իրանց խեղդող ու այլան-

գակ կապահքներով այլես չէին ցցւում չէին ծառա-
նում նրանց առաջը:

Լուս էր ողջ Այրի-Զայի հովիտը: Միայն մի հա-
տիկ մարդ էր տակաւին զարթում, որը իր ընդարձակ
վրանի խորքում լոելեան ինչ-ինչ գծոխային ծրա-
գիլներ էր կազմում և մերթ ընդ մերթ իր քնած
գեղեցկատեսիլ կնոջ: Զէյրան խանմի վառւած դէմքին
նայում որը առաւել ևս թե ու թիկունք էր տալիս
զաղան ամուսնու այդ ծրագիլներին. ապա գուրս էր
գալիս վրանից, մի քանի քայլ հեռու անցնում և իր
խոպոտ ձայնով ճշում ու թնդացնում տիրող մեռե-
լային ու խորհրդաւոր լոռութիւնը իր զգուշացուցիչ
կոչով «սարվախտ օլուն»: Հեռու խաւարում մի քանի
անդամ կրկնում էր նրա կոչի երերւող արձագանքը,
ապա կորչում խաւարի ովկիանոսում: Վերջապէս, նա
էլ լոեց, հանեց իր շորերը և մոտաւ իր Զէյրանի
ծոցը

Հէնց ուղիղ այդ ժամին Աղդազից Այրի-Զայ տա-
նող ճանապարհին հանդարտ ընթանում էին մի քանի
կանգուն ստւերներ, որոնք զիշերւայ այդ տափնա-
կանգուն ստւերներ, որոնք զիշերւայ այդ տափնա-
կանգուն ստւերների էին աւելի նման, քան
ապահով պահուն շրջիկ ոգիների էին աւելի նման, քան
անցւորականների: Սակայն եթէ կարելի լինէր նշմա-
րել նրանց զիշերւայ մթութեան մէջ, անշուշտ կը
համոզւէինք, որ նրանք բոլորն էլ ոռքից-զլու և զին-
ւած էին և առաջ էին շարժւում պաշտպանելով փոր-
ձւած մարդի խորին և անվիճելի զգուշութիւններ
Յանկարծ նրանք բոլորն էլ կանգնեցին և վայրկենա-
բար պատրաստեցին իրանց զէնքերը. նրանց ականջին
զգալի շերտերով զարնեցին մի քանի անգամ մարդ-

կային հեռւից լաւող երգի քաղցրագու ելեէջներ,
որոնցից նրանք հաղիւ-հազ ըմբոնեցին միայն հե-
տեւեալ բառերը:

«Մեր աշխարհում, հայ աշխարհում, մէրը մանուկ ուրացաւ,
«Հայի սիրավ լաց ու կոծով, գարդ ու ցաւով լցւեցաւ.
«Հէյ սարեր ջան, ձեզի դուքքան, ինչ էք դուք ինձ ասելու,
«Զեր ցաւ շատ է, շատ մի տիսրէք, թէ բան ունիք ասելու»...

Ապա նցնը ձայնը մի քանի անգամ կլկացրեց
թրքական զիւանից ինչ որ կտորներ ու լոեց:

—Մուշէ, կարող ես ասել թէ՝ երգողը ի՞նչ ազ-
գութեան է պատկանում, —մըմնջաց անցւորականնե-
րից մէկը իր ընկերներին:

—Ներսէս ջան, ես թող Մուշէն չկինիմ: թէ եր-
գողը հայ չէ:

—Ես էլ եմ այնպէս մտածում: բայց մի՞թէ հա-
ւատալու բան է այս ամենի լեռներում, ուր մարդի
զլուխը սոխի գնի է հաւասար, մի հատիկ հայ գի-
շերւայ այս պահուն մի՞րտ կանէ թափառելու այս
վայրերում:

—Ի՞չ չէ, մի՞թէ հայը մարդ չէ:

—Մարդ է, բայց այժմ պայմանները այլ են:

—Իսկական մարդի համար չկան պայմաններ,
ուր էլ որ լինի:

—Դէ՛հ, լաւ, լաւ վիճելու ժամանակ չէ:

Անցւորականը ներսէն էր իր խմբով:

Մինչ սրանք այսպիսի անտեղի վէճով էին բըռ-
նւած, ինքը երգողը մի քանի քայլ հեռաւորութիւ-
նից ձայն տւեց.

—Ո՞վ էլ որ լինէք, ես արդէն ձեր խօսակցութիւնից հասկացայ, որ հայի հետ գործ ունիմն եթէ ոչ:

—Եթէ ոչ, ի՞նչ էիք անելու.—Հարցրեց ներսէն:

—Ուրան անմեղ հարց. կմեկնէի այ հէնց էսքարի տակին և երգերիս փոխարէն հրացանիս երգել կտայի ձեր ջանին: Միթէ կարելի՞ է գիշերւայ այտպահուն, այն էլ այս արինխում վայրերում այդպէս խմբւած շարունակել ճանապարհը ու բարձր խօսակցել: Ես զգալի հեռաւորութիւնից լսեցի ձեր խօսակցութիւնը և գաղարեցի երգելուց, որպէս զի լաւ լըսեմ ձեզ: Ձեր պապերից միթէ չէք լսել որ գիշերւայ ձայնը հեռու է գնում:

Նրանք մօտեցան միմեանց և բարեեցին:

—Ճիշտ է, ճիշտ ձեր նկատողութիւնը, պարոն, կարելի՞ է արդեօք իմանալ թէ՝ ով էք դուք և ո՞րտեղից էք գալիս, հարցրեց ներսէն:

—Իմ ով լինելը հետաքրքիր չէ ձեզ համար, իսկ գալս Մասիսի ստորոտներից է:

—Ներսէ, մի լուցքի վառիր, տեսնեմ: դրա ձայնը շատ ծանօթ է ինձ, մնում է միայն կերպարանքը դիտել.—Վրաքերեց Մուշէն:

Ներսէն իսկոյն վառեց լուցքին:

Մուշէն մի տնտղող հայեացք զցեց անձանօթիքայ և փարւեց նրա պարանոցով ու ճշաց.

—Վայ, վարժապետ ջան, էս ի՞նչ հանելուկ էր գոչեց նա:

—Ասի չպիտի ճանաչես, բայց երկում է, լաւ յիշողութիւն ունիս:

—Ի՞նչպէս չճանաչել, երկու տարի էլ չկայ, ինչ Բուլանիում պատահեցինք և մի շաբաթ շարունակ իրար հետ ման եկանք: Միթէ մնուանալու ժամեր էին:

—Ապրիս, ապրիս, այժմեան պայմաններում արժէ այդպէս զգոյշ լինել

—Ինչպէս չէ, պ. Սահունի, հէնց էն ժամանեակն էլ դուք պահանջում էիք, որ զգուշութիւնը պիտի զեկավարի մեզ մեր ամեն մի քայլափոխում:

—Կեցցես, այդ ուր էք հապա զնում այդպէս սպառազինւած:

—Այրի-Զայ:

—Լաւ, լաւ, քիչ առաջ գայիք, ինձ էլ այնտեղ կդանէիք. սակայն ոչ այսպէս, այլ մի մոլեռանդ գէրս վիշի գէրում և անհաւատները կասկածել անդամ չկարողացան:

—Քեզ նախախնամութիւնը ուղարկել է մեր առաջ, նկատեց ներսէն, —ուրեմն զու կարող ես և մի քանի տեղեկութիւններ տալ մեզ այդ անհաւատների մասին:

—Ուրախութեամբ, պատրաստ եմ:

—Այս երկու ամսայ ընթացքում այդ շները աչ ու սարսափ սփոել են մեր կողմերը, և օր չի անցնում, որ մեր զիւղերից ձիեր չգողացւեն: Այս քանի օր է, իմ ձիս էլ գողացան. մենք էլ զնում ենք՝ ինչպէս և լինի գտնելու ու յետ բերելու նրան:

—Ուրմն, մեղանից ամեն մէկը մի ցաւ ունի ես էլ փնդրում եմ դրացիս նորատի աղջկանը, Վառէին, որը առեանգւած և բերւած է այս կողմերը և որին

չգտայ Այրի-Չայի հովտում: Լսւումէ, որ նրան տարել են չ...

— Այդ լաւ զուդադիպութիւն է, պ. Աահունի, եթէ մեղ յաջողւի գտնել մերը, երդում ենք հայի ամեն սրբութիւններով՝ մենք քեզ միայնակ չենք թողնելու և չէնց վաղ առաւտօտեան կհասնենք ձեզ:

— Այս, այս, մենք քեզ մենակ չենք թողնելու, ձայնակցեցին բոլորը, և Դամի-Դարդաշը, և Սիրօն, և Գեօլեցի Մուշեն և միւսները:

— Ապրիք, կորիճներ, շնորհակալ եմ: Ես այժմ կերթամ չ... զիւղը և ծպտեալ կերպով կաշխատեմ ճիշտ վառէի տեղը իմանալու: Այդ անելուց յետոյ ես զուրս կդամ և զիւղից փոքր ինչ հեռու եղած ձորակում կապասեմ ձեզ: Իսկ դուք այս հովտում եղած «Զնդրլ» կոչւած փապարներում կդտնեք ձիերի մի մեծ բազմութիւն: — Եւ նո նկարագրեց օբայի և ձիերի տեղերի դիրքը ու շարունակեց իր ճանապարհը:

Մի ժամից յետոյ ներսէն իր խմբով արդէն վաղը ճարպիկութեամբ մերթ փորսող տալով, մերթ ձեռքերի վրայ չանգուելով հասաւ փապարներին: Շները մի չըտեսնւած վայնասուն բարձրացրեցին բայց վայրէն նաբար լոեցին: Ներսէն իր զրպանից ածեց նրանց առաջ մանրացրած, գրեթէ ալիւր գարձրած մսի կրտորներ խառնած իւղած հացի փշրանքների հետ: Շները մոռացան ամեն բան: Երկար ժամանակ էր հարկաւոր, որ թշուառ կենդանիները ջոկ-ջոկէին հողերի մէջ շաղ տւած իրանց այդ համեղ կտորները: Մինչ այս, մինչ այն ներսէն առաւ Սիրոյից ձիերի սան-ձերը ու թոկերը և բաժանեց ընկերներին, կրկնելով

«իւրաքանչիւրդ կընտրի իրան համար չեծնելու իր հաւանածը և այս թոկերովն էլ մի կամ երկու հատ «ետակներ» անի: Մոնթին ես թողել եմ մեր հակառակ կողմը, որ երբ հարայ-Հրոց բարձրանայ, նա մի քանի անգամ կրակի իր հրացանը շփոթեցնելու համար, ապա անցնի դէպի մեր եկած ճանապարհը: Դէ՛հ, զգոյշ:

Մի քանի րոպեից յետոյ նրանցից իւրաքանչիւրը բազմեց մի-մի իր ցանկացած ձիան վրայ և մի-մի, երկու-երկու էլ «ետակ» անելով զուրս եկան փապարներից և ոլացան դէպի իրանց ճանապարհը: Շուտով նրանց միացաւ և Մոնթը ու հեծաւ իր ձին: Թւում էր թէ՝ ամեն ինչ յաջողութեամբ էր վերջանալու: Սակայն այդ միջոցին շները կերան իրանց պաշարները և թէ առածի նման զոռու մ-գոչիւնով ընկան տղաների յետեկից: Նրանց ձայնի վրայ ողջ օբան ոտքի թռաւ և ընկնելով աղաների յետեկից սկսեցին կարկտի առատութեամբ զնդակներ թափել նրանց վրայ: Բարեբաղդաբար, քնից նոր վերկենալով իրանք էլ հաշւի չէին առնում թէ՝ ում հետ զործ ունին և ինչ է պատահել, այդ պատճառով և նրանց գնդակները իրանց նպատակից վրիպում էին: Սակայն այս բանը երկար չտեսեց, յանկարծ հալածող բազմութեան վըրայ օբայի կողմից տեղացին գնդակներ, և իւրաքանչիւր անգամ հալածողներից գետին էին վլորւում կիսակենդան զոհեր, որոնք անէծք ու նդովք միմնջալով իրանց գաժան ճակատագրին, յաւիտեան փակում էին իրանց աչքերը: Ներսէն հասկացաւ, որ մի աներեւոյթ ձեռք իրանց օգնութեան է հասել, և ձիերը

յանձնելով միւս ընկերներին, ինքը Սիրոյի հետ պատսպարւելով մօտակայ ժայռի յետև նոյնպէս սկսեցին կրակել հալածող բազմութեան վրայ, որոնք տեսնելով, որ իրանը ընկել են երկու կրակի արանք, մի կերպ խոյս տւեցին և փախուստ տալով անցան փապարները և մտան նրանց անառիկ ծմակները. բայց իրանց այդ իրարանցումով վախեցրին և մնացած ձիերին որոնք փնչալով գուրս թռան իրանց աղալից և սրարշաւ կրան մթութեան մէջ: Տեսնելով, որ իրանց այլևս չեն հալածում: Ներսէն ու Սիրօն բարձրացան իրանց տեղերից և հէնց էն է ուզում էին շարունակել իրանց ճանապարհը և հասնել ընկերներին, երբ մէկը գրկեց նրանց.

— Ա, տեսաք, ի՞նչ օյին հանեցի անհաւատների գլխին. ի՞նչ է, կարծում էիք, որ ես վտանգի ժամին թողնելու էի ձեզ:

— Վայ, պ. Սահունի, էդ զուք էիք էդպիսի քարէ կարկուտ թափում նրանց գլխին. զէհ, այժմ գնանք միասին, — միաբերան կրկնեցին նրանք:

— Ոչ, ներսէ, ես պիտի առաջ գնամ հետազօտելու զիւղը և գտնելու թշուառ զոհին: Ես ձեզ կսպասեմ ձորակում: Ասաց ու բաժանեց:

V.

Ամեն անգամ երբ այս ու այն հեռաւոր լերանլանջերին, կամ խոր-խոր ձորերին ես հանդիպում եմ մեր կիսախարիսուլ վանքերին ու մենաստաններին, որոնք իրանց մենաւոր լոռութեան մէջ ասես-

կենդանութեան թռիչքներ են գործում ու ցցւում առաջիդ շշնջալու քեզ իրանց հինաւուրց, իրանց վաղեմի ծով ցաւ ու դարդը, ինձ համակում է մի աղեւխարց, մի ցաւոտ ներքին խուլ տառապանք, որը առաւել ես խորունկ թափերով է ալեկոծում ինձ և երերուն կացութիւն ստեղծում ինձ համար, երբ իմ բուռն տենչալից ճիգերը՝ մի բան իմանալու նրանց մասին՝ անցնում են ապարդիւն: Ո՛հ, որպիսի այրւած, որպիսի վառւած իզձերով կուզէի, որ այդ նւիրական շէնքերի քար ու թուփը լեզու առնէին պատմելու ինձ իրանց ծով ցաւ ու դարդը, թէ ո՞ր անդութի, ո՞ր գաւաճանի ձեռքն է խախտել ու կարճել դրանց անդորր կենցաղը: Վշտի դառնապին խոցերի ինքնամուացսւթեան հովերով բռնկւած՝ քանի քանի ոգելից ժամեր ու օրեր եմ անցկացրել այդ տարաբազդ սրբավայրերի կարկամած, անլեզու և խարիսուլ կամարների ներքոյ և իմ գալրոտ երազանքներիս մէջ հեկ-հե շատ հեռու լողացել ուր զրանց անդարձ անցեալը, պճնուած Հայաստանը, իր փառունակ շուք ու զարդով կանգնել է առաջիս, և երկար-երկար մաղձու յոյզերով, արտասւաթոր աչքերով անէծք ու նզովք է շշնչացել իր սև, իր կոյր ճակատազրին

Այսպիսի կիսախարիսուլ մենաստաններով լեցուն է և Գեղարքունեաց աշխարհը, որոնցից շատերը կառուցել է Մարեմը, Աշոտ Լի մաքրակենցաղ դուստրը և Սիւնեաց Վասակ-Գաբուռի ամսուսինը: Անշուշտ այդպիսիներիցն է և Քիւղաջի գիւղի բարձրաբերձ լերան գաղաթին բազմած «Էլիկու» կամ ինչպէս անւա-

նում են տեղացիները «Պառաւի» վանքը, որը այժմ անւանի է որպէս ուխտատեղի: Այստեղ տարեն մի քանի անգամ մի առանձնակի ակնածռթեամբ իւրմբում է շրջակայ հայ գիւղերից ուխտաւորների մի զգալի բազմութիւն, երբ վանքի շրջակայքը շնչումէ մի ինքնուրոյն կենդանութեամբ: Այստեղ են պառաւ կանանց շատ բան տեսած աչքերը և ջահիլների հրաբորքը սրտերը ընտրում իրանց համար հարսնացուներ: Այստեղ են սիրում ու սիրում մատաղահաս աղջկերը: Եւ վերջապէս այստեղ է արձակում գեղջկուհի աղջկերանց քաղցրախօս լեզուն իր կապանքները, և դու լում ես նրանց զարդլու «լէ-լէն»: «Եարօ ջան» և հազարաւոր խանդավառ երգերը, որոնց նա իր անխօս մենաւորութեան մէջ յօրինել է, ուր և դրել է իր պապակւած սիրտն ու հոգին, և այն միայն իր «Եարին» նւիրելու համար: Այստեղ է նա բոլորում նահապետական «Եայլին» և իր ճկուն, իր նաղելի ու դիւրաթեք իրանը խաղացնում այս ու այն կողմէ երբ նրա երկարաւուն սեաթոյր վարսերը այդ ժամին ալէ ծածան օրօրներով շօրօրում են իւրաքանչիւր անգամ և աւելի ես գեղեցկատեսիլ կերպարանք տալիս նրա շնորհալի պարին:

Այս, որքան քաղցր է այդ ամենը

Հէնց այդպիսի ուխտի օր էր, և այդ վանքի հանուր շրջակայքը թնդում էր հայ-գեղջկուհու պարերի ու «լէ-լէն»-ների ձայներից: Սակայն ուխտաւորների ստւար բաղմութեան մէջ իրանց չնաշխարհիկ իրանց գեղեցկատեսիլ արտաքինով աչքի էին ընկնում Տէր-տէրանց վարսենիկը և ներսէենց Մարգարիտը: Եր-

կուսի անմեղ և անարատ գէմքերից այդ օր չէր հեռանում տրտմաւթեան այն սե մշուշը, որը իր թանձը շերտերով համակել էր նրանց ողջ էռթիւնը: Մերթ ընդ մերթ նրանք լուելեան դարձնում էին իրանց թախծոտ աչքերը գէպի վանքի այն միակ ճանապարհը, որը տանում էր այս ու այն գիւղեր և օրաներ, և վերստին յուսահատ մի խուլ հառաջանքով շարունակում էին իրանց անց ու դարձը: Ի՞նչն էր վրդովել նրանց կուսական, նրանց գողտրիկ և անգորդովել նրանց կենցաղը: Ի՞նչ չարաշուք ձեռք էր ստեղծել նրանց համար այդ անխօս, այդ անկեզու և չարատանջ կացութիւնը, երբ նրանց արտասւալից պղտոր աչքերը պարզ վկայում էին, որ մի ներքին խուլ կը ամենուրեք բորբոքում է նրանց խոցերը և հանրակ ամենուրեք բորբոքում է նրանց օրինակը: Ոչ պարում էին, ոչ զիստ ու դադար չի տալիս: Ոչ պարում էին, ոչ խնդում և ոչ երգում իսկ ստէպ-ստէպ մի գաղտագողի երկչուութեամբ հազիւ լսելի ձայնով, փսփսուգովի իւրաքանչիւրը մենախօսութեան մէջ էր մտնում և կը կնում ինքնիրան: «Ում համար խնդամ»:

Այս, կուսական բոցակել սրտեր. որքան զգայուն էր դուք, որքան գաղտնի ցաւեր կան դիզւած ձեր անխօս խորչերում որքան օրինակելի պաշար կամբարէր վշտահիւս բանաստեղծի սգալից զրիչը իր սիրոյ օրօրների համար, եթէ գէթ մի օր, մի ժամ վանեկիք ձեզանից ձեր վաղեմի ամօթխածուցուք վաղեմի ձեզանից ձեր վաղեմի ամօթխածուցուք մերկացնէիք ձեր սիրտը նրա առաջ

Վարսենիկը և Մարգարիտը իրանց միապաղադանց ու դարձով վերջապէս, ձանձրանալով, բոնեցին-

վանքի ճանապարհը և վճռեցին փոքր ինչ չեռու
անցնել ուխտաւորներից, որպէս զի կարողանան ազատ
շնչել և ազատ խօսել: Նրանք անցան դէպի Երանու
սից եկող ճանապարհը: Հետեւինք, ընթերցող, զրանց:

—Դիտես, Մարգարիտ ջան, սրտիցս արիւն է
գնում: ամբողջ մարմինս մղկտում է, արտասուքը
խեղդում է ինձ, բայց ձեռքիս չարա չկայ. ուխտ
եկող էլ խօմ չէի. եկայ, որ քեզ տեսնեմ և ինչ որ
ցաւ ունեմ ասեմ քեզ, իսկ դու նրան—եղբօրդ—
ասեա, երբ նա վերադառնայ.—մի դառնութեամբ նը-
կատեց Վարսենիկը:

—Վարսօ ջան, ի՞նչ է պատահել, դու՝ գեռ ինձ
բան չես ասել. մի լաց և քիչ էլ ցածր ձայնով խօ-
սիր. էս քարերի տակին նստողներ կլինին և մեզ կը
լսեն:

—Էլ ի՞նչ պատահի. երեք տարի ներսէն եղել է
իմ արեն ու կեանքը. նրա անունը՝ իմ երդւելու
սուրբը. իսկ ինքը՝ իմ միտքն ու հոգին. բայց ան-
հոգիները էսօր երեկոյ ինձ պիտի տան ուրիշի, պիտի
նշանեն Աւոյենց Գարեգնի հետ:

—Վո՞յ, վախկոտ շեշտով հառաչեց Մարգարիտը,
—ես էլ կարծում էի, թէ ներսէն էստեղ չէ էսօր,
դրա համար ես տրտում ոնց որ ես տրտմում եմ
Բ...ի համար: Ա՛խ, ինչ տեսակ տղաներ են, էսօր-
ւայ օրը մարդ բա՛ էստեղ չի լինի. ինչո՞ւ մենք էլ
էսօր ուրիշների նման քէֆ, ուրախութիւն չպիտի
անէինք:

—Հա, հա՛, Մարգարիտ ջան, անունները փոխել
են. մէկը՝ Սիրօ է զրել, մէկը՝ Աբեղայ, մէկը՝ Մուշէ.

իսկ քոնը Դալի-Ղարդաշ, և ո՞վ դիտէ, ինչո՞ւ սարեր
են ընկել. ախը ի՞նչ կայ:

—Ա՛խ, Դալի-Ղարդաշի հոգուն մատաղ. նրա
անունը ինձ աւելի է դուր գալիս, Վարսօ ջան, հէնց
էդ անւան մէջ շատ բաներ կան՝ մի ամբողջ մարդի
վարք ու բարքի պատմութիւն:

—Դու իմ ցաւը մոռացար, Մարգարիտ ջան, և
քոնը սկսեցիր մտաբերել. Դուք կարժանանաք ձեր
մուրազին, համա իմ դրութիւնը անտանելի կլինի:

—Իմ ցաւը միշտ առաջիս է, չեմ մոռացել, որ
նորից մտաբերեմ. համա քո ցաւն էլ պիտի հոգամ.
եթէ ներսէն էսօր չվերադառնայ, ես հօր ու մօրս
կասեմ և գիտեմ: որ գործը լաւ կլինի. երբ հայրս
իմանայ, որ ներսէն առանց քեզ ապրողը չէ, և կամ
քեզի պիտի թոցնեն նրա ձեռքից, հէնց էսօր կտանի
ձեզ, որից յետոյ, երբ դու ինձ եղբօր կին կդառ-
նաս, մի մոռացիլ ինձ ու իմ Դալի-Ղարդաշին:

—Ա՛խ, բերան չէր, տաճար էր

Դեռ Վարսօն խօսքը չէր վերջացրել, երբ հեռուից
երեացին մի խումբ ձիաւորներ, որոնք սրարշաւ ըն-
թանում էին դէպի ուխտաւորները:

—Վարսօ ջան, ինչ լաւ բան կլինէր, եթէ նը-
րանք լինէին:

—Ի՞նչ պիտի անէիր:

—Ի՞նչ. —ես հէնց էստեղ եղբօրս առաջը կը
կտրէի և քո ասածները ամենը կհազորդէի նրան:
Ես եղբօրս բնաւորութիւնը լաւ եմ իմանում. նա,
երբ ամեն բան իմանայ, էսօր իրիկուն ոչ թէ ինշան-
ւի, այլ շատ կարելի է պսակւի էլ: Ո՞վ պիտի հակա-

ռակւի. չէ որ քո ծնողները աւելի ուրախ են եղբօրք փեսայ ունենալ քան Աւոյենց տղին. իսկ իմը՝ եղբօրս խօսքից դուրս չեն գալ:

Մինչ սրանք այսպէս զրոյց էին անում; ձիաւոր ները այնքան մօտեցան նրանց, որ Մարգարիտը ճանաչեց եկողներին և արծւի արագութեամբ վազեց իր եղբօր առաջը: Եկողները ներսէն էր իր ընկերներով, որոնք վերադառնում էին Այրի-Զայի արշաւանքից: Ներսէն շատ ուրախացաւ, երբ տեսաւ քրոջը. սակայն երբ լսեց նրա պատմութիւնը, մի քանի անգամ ջգաձգական ցնցումներ գործեց և բարձր ձայնով գուշեց. «Շատ լաւ, տեսնենք, որիս մէրը տղայ կրերի. էսօր իրիկուն ամեն բան կվերջացնեմ: կամ այլեւ կենդանի ման չեմ գալ գետնի վրայ. գնա և նրան էլ ասիր»: Սակայն Վարսենիկը ոտքից զլուխ լսելիք գառած՝ բառ առ բառ լսում էր նրան: Նրա սիրութեցւեց մի ջերմազին բերկրութեամբ: Նա գիտէր, որ իր «հարի» ասածը ասած է:

Երբ ներսէն վերջացրեց իր ասելիքը, Դալի-Ղարդաշը մօտեցաւ Մարգարտին և մի այնպիսի ոյրւած ձայնով բարեւեց նրան, որ Մարգարիտը դողաց ողջ մարմնով, մի ցուրտ սարսուռ անցաւ նրա երակներով, և նրա այտերը վարդի դոյն ստանալով որոշակի ասես վկայեցին թէ՝ իր այլայլած, իր երերուն դըրութիւնը սիրահարներին յատուկ լուռ թեամբ թւում էր ամեն բան պարզեցին նրան: Եւ իրօք, Դալի-Ղարդաշը սիրահարներին յատուկ խորտթափանց զգայութիւնում հասկացաւ ամեն բան և իրան աշխարհում

Երջանիկներից-Երջանիկների շարքը դասելով մտբակեց իր ձիուն և հասաւ իր հեռացող ընկերներին:

Տեսնելով ներսէին ուխտաւորների բազմութեան միջից անցաւ մի հզօր շշուկ թէ՝ «ասլան է, ասլան, մարդի տղան. կեցցէ Սագէն, որ էղպէս աժդահայ տղայ ունի. ով կհաւատաբ, որ էս տարւայ նման արինխում տարւայ գաղանների բերանից հնարաւոր կը լինի խլել էղպիսի համեղ կտոր, որպիսին է նրա ձին. բայց տեսէք, քանի հատ են բերել: Զէ, աղբէր: մարդի տղան՝ տղայ է մէկ խօսքով»

Այդ երեկոյ ներսէն ամուսնացաւ իր Վարսենիկի հետ:

Խաչաղբէրը Դալի-Ղարդաշն էր:

VI.

Գիշերւայ սե ու դաժան աղջամուղջը մի խորհրդաւոր և համատարած լուռթեամբ կապել-կաշկանդել էր բնութեան հրաշագեղ ու բազմազան լեզուն, և իշխանաց վանքի ողջ հովիտը քար կտրած հեռում էր տիեզերքի կարկամած ովկիանոսում մի ահաբեկած սարսուռ ազդող միակերպութեամբ:

Գիշերային հանգիստը իր միապաղաղ գերի մէջ մոտած խաղաղ ու անվրդով նինջով շարունակւում էր: Ոչ մի շարժում ոչ մի շշուկ չէր խանգարում տարերային այդ անդորր կացութիւնը: Գիշերւայ մրափը իր սե մշուշով ողջ կենդանի արարածների ճակատում

ներին դրել էր անխուսափելի կնիքը, և արար-աշ-
խարհը գամած իր տեղում կատարում էր քնի քաղ-
զը օրօրներ:

Մի ջղաճգական սոսկում էր անցնում երակնե-
րով, երբ մի առանձնակի հետամտութեամբ դիտում
էիր աղջամջի անծայր ովկիանոսը իր նոյնքան առա-
ւել անսահման երկինք-գետինքով: Թւում էր, թէ
մարդկային անիրաւութիւնների մի ծով էր սփուած
առաջիդ, որը մի գերազոյն խնամքով սքողում էր
հետազոտող հայեացքից իր ահռելի, իր զազիր կեր-
պարանքը:

Գիշերւայ այդ օրհասական, այդ տագնապալից
պահուն չ... զիւղից գաղտագողի դեպի մերձակայ
ձորակն էր անցնում մի հատիկ մարդ, որը իր ողջ
էութեամբ և՝ զարմանք և՝ սարսափ էր ազդում իր
շուրջ: Մի թոյլ շշուկով անդամ նա չէր խանգարում
տիրող մեռելային լուութիւնը: Ահա նա հասաւ և
մտաւ ժայռերից կազմած վազօրօք ընտրած իր քա-
րայրը և ինքն իրան սկսեց յուսահատութեամբ լըց-
ւած մարդի նման փսփսալ և տրտունջ յայտնել:
Քանի օր էր, ինչ նա կատարում էր իր միապաղաղ
երթևեկութիւնը զիւղից դէպի քարայրը և հակա-
ռակը: Սակայն ամեն անդամ էլ նրա սիրտը լցւում
էր մի անսահման տրտմութեամբ և նա իր յուսա-
հատութեան երերւող նաւի վրայ լողում էր հեռու,
շատ հեռու: «Ի՞նչ անեմ, Տէր իմ, այդ թշւառական-
ները ինձ խօսք տւեցին գալուս հենց հետեւեալ օրը
այստեղ հասնել. բայց արդէն եօթներորդ օրն է չը-
կան ու չկան: Եթէ չինեին նրանք, ես թերեւս գործը

այլ կերպ սկսէի և այժմ մենակ վերջացրած էի».
այսպէս ինքնիրան զայրացկոտ մրմնջում էր անծա-
նօթը, — եթէ այսօր անյաջող անցաւ, և նրանք չե-
կան, վաղ առաւտեան անշուշտ կփոխեմ ծրագիրս
և մենակ կիրագործեմ այն, ինչպէս մոտադրած էի:

Այժմ տեսնենք թէ՝ ի՞նչ էր կատարում գի-
շերւայ այդ պահուն չ... զիւղում:

Գիւղի ծայրին գետնի երեսին հազիւ նշմարւող
մի գետնափոր տնակ էր երեւում, որի դուռը դրսից
ամուր փականքներով փակւած էր: Տնակի անշուշ-
յարկի տակին հազիւ-հազ պլպլում էր մի ճրագ, որը
իր աղօտ լոյսով գրեթէ այնքան էլ չէր լուսաւորում
տնակի շրջապատը: Տնակի խորքերից մերթ-մերթ լըս-
ւում էր մի զառնաղին լացի աղեկտուր հառաչանք,
որը իր ցաւոտ սուդ ու շիւանով թնդայնում էր այդ
տիրող միջափայրի միապաղաղ կացութիւնը: Մի դե-
ռատի, մի զեղեցկատեսիլ աղջիկ էր այդ, որը իր մե-
նաւորութեան մէջ անձնատուր եղած իր ներքին
վիշտ ու տառապանքին, մի խուլ հեծեծանքով ող-
բում էր իր սե օրը և նողկանքի անհուն դառնու-
թեամբ անէծք ու նզովք կարգում իր սեաւոր ճա-
կատագրին: Նա մի խորունկ ինքնամուացութեամբ
ծունկ էր չոքել և արտասւալից աչքերով աղօթում
էր ու սգում իր ծով վիշտը: Մինչ սա կենում էր
այս կացութեան մէջ, զրսի դուռը մի զառն ճռու-
ցով աղբարարեց, թէ մարդ է մուտք գործում թըշ-
ւառի մօտ: Նա մի սուր ցնցում զգաց իր մարմնով,
որը ջղաճգական գալարներով անցաւ նրա երակներով:
— Հա, ֆլայ, էլի՞ աղօթում ես, էլի՞ ձեր Քրիս-

տոսի հետն ես խօսում—Հարցրեց նրան մտնողը հետ-
նական ժպիտը երեսին։ Ազօթողը ոչինչ չխօսեց, այլ
փութապէս սրբեց իր արտասւալից աչքերը և հե-
ռացաւ խրճիթի մի անկիւն։

—Ինչո՞ւ չես խօսում վառէ ջան, ես եկել եմ
վերջին մնաս բարովը ասելու։

—Ի՞նչ է, անհոգիք, անաստւածներ, դէ՛ս մի ան-
դամից սպանէք, ազատւեմ ձեր ձեռքից։ Էս երկու
ամիս է, ինչ դուք հանգիստ ու դադար չէք տալիս
ինձ. մի օր էստեղ էք բանտարկում միւս օր էնտեղ,
հերիք չեղաւ, մի՞թէ։

—Ի՞նչ անենք, որտեղ թագցնում ենք, անիրաւ
ֆլաները հոտդ առնում են. էս քանի օրս էլ՝ ա-
սում են, մի ինչ որ գրբաց է եկել, տնեցտուն ման-
եկել և հոտդ առել է։ Հիմի են հասկանում մեր յի-
մար քրդերը, որ նա ֆլայ է եղել և ոչ քուրդ։ Ա՛յ-
թէ ձեռքս կընկնէր։

Բանտարկեալը մնաց քարացած, նա սոսկաց, երբ
հասկացաւ, որ դժբաղդ Սահունու հինգ-վեց օրւայ
ճիգերը ապարդիւն են անցնելու։ Դժբաղդ զոհը չգի-
տէր, որ իր իւրաքանչիւր քայլը, շարժւածքը լրտե-
սում են, ինչպէս և լրտեսել են Սահունու խօսակ-
ցութիւնը իր հետ։ Դեռ թշւառ զոհը իր մտատան-
ջութեան մէջն էր, երբ խրճիթը մտան մի քանի քըր-
դեր և հրամայեցին նրան դուրս դար Անդադդ ազ-
դիկը թուլացաւ, ընկաւ գետին, որքան լեզւի ճար-
պիկութիւն ունէր, աղաչեց, պաղատեց, սակայն եկող-
ները մնացին անյողգողդ իրանց որոշման մէջ. քանի
գիշեր էր, նրանք վճռել էին նրան հեռացնել այդտեղից։

—Ես հիւանդ եմ մի տարէք ինձ ուրիշ տեղ,
ի սէր Մուհամէտի, ի սէր ձեր իմամներին՝ խղճացէք
ինձ. ինչո՞ւ միանդամից չէք սպանում ազատւեմ միթէ
վերև Աստւած չկայ։

—Նատ մի խօսա, անզգամ քէշիշութիւն մի արա-
մեր զլիին, մենք քարոզչի կարիք չունինք։

—Որ էղպէս է, ես կենդանի դուրս չեմ գալ
էստեղից. դուք մարդիկ չէք այլ շներ, անհաւատներ.
դուք ձեր աղւէսութիւններով ուզում էք իմ հետքս
կորցնել կամ դաւանափոխ աներ էզբան միամիտ մի-
եղէք, շան հետ կընկերանամ հաց կուտեմ. բայց
ձեզ հետ՝ ոչ։ Շունը քաղաքավարի է ձեղանից։

—Տօ, անզգամ հերիք է, —գոռաց մի թխագէմ
քուրդ և մի ուժգին ապտակ տւեց նրա երեսին։

—Տուր, տուր, թարս-մասար, —առանց ցաւի
տրտունջ յայտնելու վրաբերեց անբաղդը։

—Տերք, բաւական չեղաւ դրա վայրահաչու-
թիւնները լսելու. դէ՛ս, դուրս բերէք։

Մի քանի թուրք ու քրդեր վրայ պրծան և
քաշքոտելով դուրս բերին տարաբաղդ զոհին։ Խսկյն
նրա ոտքերը և ձեռքերը կապեցին ձիան վրայ և կո-
րան խաւարի մէջ։ Վառէն ի զուր օրհասական ճի-
գեր էր զործում մի կերպ վայր զցելու իրան ձիուց.
անհաւատները այնպէս էին ամրացրել նրան իր տե-
զում, որ նրա իւրաքանչիւր փախչելու փորձը անցնում
էր ապարդիւն։ Տեսնելով, որ այլևս յոյս չկայ, նա
օգնութիւն գոչեց մի այնպիսի ձայնով, որը արձա-
գանք առած՝ մի մեծադղորդ թնդիւնով խանգարեց
տիրող լութիւնը և իր սուր ելեկջներով անցաւ,

գնաց հեռու, շատ հեռու ու կորաւ խաւարի ովկիանոսում:

Քարայրում եղած մարդը սոսկաց. նա փոքր ինչունկնդիր լինելով ըմբռնեց թէ՝ բանը ինչումն է և շանթահար եղածի նման դուրս թռաւ իր բնից:

«Միթէ անհաւատները բան են իմացել, որ թըշւառ զոհին հեռացնում են այստեղից. չէ, ես ամեն միջոց պիտի գործ դնեմ խանգարելու այդ, կամ կսպանւեմ փոյթ չէ» ... փնթփնթում էր անձանօթը և ուղիղ դէպի աղերսող ճիչը ընթանում; որը գիշերւայ այդ պահուն ասես սրտի անհուն դառնութեամբ բողքում էր և խաւարի, և տիեզերքի, և մարդկային բռնակալական անիրաւութիւնների, և իր անբաղդ ճակատագրի դէմ: Վերջապէս, նա հասաւ և այն ճանապարհից ոչ հեռու, ուր պիտ' անցնէր թըշւառ զոհը, դիրք մտաւ մի ահագին ժայռի յետեւ և պատրաստելով իր տասնեակը՝ սպասում էր:

Վառէին առեանգող եօթն քրդերը մի թաշկիւնակ հրելով դժբաղդ աղջկայ բերանը, անվորով շարունակում էին իրանց ճանապարհը: Ահա նրանք հասան, սակայն յանկարծ որտեղից—որ էր որոտաց տասնեակաւոր ատրճանակը, և քրդերից մէկը մահացու վիրաւորւելով՝ ընկաւ գետին: Վերջինս, որպէս զի աւելի զգալի դարձնէ իրանց զոհի ետեւ ընկնողների վիշտը, փոխանակ ընկած տեղից կուելու իր ախոյեանի հետ, ուղղեց իր հրացանը դէպի տարաբաղդ զոհը: Որոտաց հրացանը և սեաբաղդ վառէն արինշաղախ կախւեց ձիուց: Անձանօթը աւելի ես կատաղեց և սկսեց այնպիսի հուժկու զայրոյթով աջ ու ձախ կրա-

կել իր ատրճանակը, որ շուտով քրդերից հինգը սպանւեցին, իսկ մնացած երկուսը հեփ-հեւ սկսեցին փախչէլ դէպի գիւղը. մինչդեռ գիւղից հրացանների ձայներին գալիս էր քրդերի մի ստւար բազմութիւն: Սակայն նախախնամութիւնը յաճախ այնպիսի մոմենտի է օգնութեան ձեռք կարկառում թշւառներին, որ սպասել անգամ աներևակայելի է:

Կուի այս ճգնաժամին որտեղից—որ էր գարձեալ դէպի հրացանի ճայները քափ ու քրտինք կտրած՝ արշաւում էին տասնից աւելի սպառազինւած ձիւառուներ: Կուի վայրից փոքր ինչ հեռու ահա նրանք վերեկան իրանց ձիերից և տալով նրանց իրանց ընկերուներից մէկին, իրանք հետիւոտս աճապարեցին դէպի կուղները և դիրք մտնելով՝ իրանց գլխաւորի նախօրօք կարգադրութեան համաձայն տնտղելով՝ թէ ում հետ գործ ունեն և իրը հասկացած այդ, սկսեցին կուել գիւղից եկող քրդերի և թուրքերի հետ: Անձանօթը երբէք չէր հաւատում, որ այդ իսկ ժամին կգտնուի մէկն, որ իրան օգնի: Սակայն այդ օգնութիւնը կար, և այն էլ մեծ չափով: Վերջապէս, նա ուրախութեամբ ձայն տւեց.

—Անտարակոյս եմ, որ ինձ անսպասելի օգնութեան եկողները ներսէն է իւրայիններով:

—Այո, այո, մենք ենք, մենք, պարոն Սահունի, հասել ենք,—ձայն տուին եկողները, որոնք իրօք ներսէն էր իւրայիններով, որին և միացել էին Ե... քաղաքից եկող մի քանի երիտասարդներ, որոնց առաջնորդում էր Թաղէ-Ամիրը:

—Ապրիք, ապրիք, թէւ ուշ, բայց լաւ ժամանակ էք հասել. դէ՛հ, ձեզ տեսնեմ:

Ներսէն Պառաւի վանքից վերադառնալով ստիպւած եղաւ, ինչպէս տեսանք, ամուսնանալ և հինգվեց օր մնալով իր նորահարսի մօտին, ահա այժմ միացած ոյժերով Թագէ-Ամիրի հետ օգնութեան էր հասել Սահունուն, որը թերես կարողանար կենդանի փրկել դժբաղդ վառէին, սակայն նա այնքան այժմ էլ չէր յուսահատւում, տեսնելով, որ անբաղդ աղջկան առևանգողները պատժւած են չարաչար:

Մինչև արշալոյս շարունակող կոխւը վերջապէս ստիպեց Հ... ցիներին թողնել իրանց գիւղը և փախուստ տալ դէպի մերձակայ լեռները և այնտեղից էլ դէպի վայոց-ջոր և այլ վայրեր: Այս կուում սպանւեց Ներսէի ընկերներից միայն երանոսցի Մոնթը և վիրաւորւեց Դալի-Ղարդաշը, որ յետադայ արշաւանքներին անկարող եղաւ մասնակցել:

Այդ օր՝ Ք... գիւղում առօք-փառօք Թագէ-Ամիրի խումբը Ներսէի հետ հողին յանձնեցին Վառէի և Մոնթի դիակները և մի երկու-երեք ամիս այս ու այն գիւղեր ու վայրեր շքնելուց յետոյ Ներսէն, դարձեալ իր ընկերներով, որոնց կառավարում էր Ե... եցի Մուշէն, ստիպւած եղան անցնել Գեղամայ ծովակի Դիւնէ կոչւած ափը, Շօրջան:

VIII.

Այսեմբեր ամիսն էր:

Գեղարքունեաց աշխարհի վախուկ արևը դեռ նոր էր մայր մտել. դեռ նոր էր Ղուլալի գիւղը իր ամեհացած դար ու դաշտով ծածկւել խաւարի սևաթոյը թերի տակ, գեռ նոր էր աղմկայոյգ անց ու դարձը դադարել փողոցներից, և ամեն ինչ պատրաստում էր գիշերային հանգիստ վայելել, երբ ներսէինց Սագէի բազմանդամ գերդաստանը վերջացնելով իր անշուքը ընթրիքը, խմբւել էր գիւղական նոյնքան աւելի անշուք օրլայի քարեայ թումբերի վրայ և ինչ որ տաք-տաք զրոյցի բռնւել: Իսկ դուրսը գոռոզ քամին այնպիսի սուր-սուր, այնպիսի կատաղի ոռնոցներ և դիւային ճիշ ու աղաղակ էր հանում, որ մահասարսում դողը փշաքաղում էր ողջ էութիւնդ: Տարւայ այդ պահուն խենթացած հողմերի, փրփրուած փոթորիկներէն մի այնպիսի տագնապալի, այնպիսի ահեղ և օրհասական ողբ ու խլացուցիչ աղաղակ է լուում ամենուրէք, որ յաճախ մարդը անտարակոյս մտածում է թէ՛ ահա՛ մի բոպէից, մի ժամից յետոյ երկինքը փուլ է գալու: Իսկ եթէ նման տարերային իր գաղաթնակէտին հասած մոնշիւնների ժամանակը այդ երկրի սար ու ձորը պատած է լինում ձիւնով, հօ՛ դժոխքը իր սոսկալի, իր ցնցող գոյներով ողջ իր գարշելի, իր աղեկտուր ու զաղիր կերպարանքով ցցւում է առաջիդ, որից յետոյ մարդ

արարածը մի ներքին դառնութեամբ զգում է իր անզօրութիւնը, իր ոչնչութիւնը բնութեան տռաջ:

Նման փոթորիկների, բուք ու բորանի ժամանակը քանի-քանի գժբաղդ անցորդներ են ուժասպառ լինում և խոտորելով իրանց ճանապարհներից այս ու այն քեզ ու քեօսի տակին սառչում և կնքում իրանց վախճանը: Սակայն այս տարի տակաւին ձիւն չկարծիւնի փոխարէն կար առատ փոշի, որը հողմերի առաջ լնկնելով մի հուժկու թափով տարւում էր հեռու, շատ հեռու... Հողմերի ինքնութրոյն շլոցներին մի չտեսնեած ներդաշնակութեամբ առաւել ևս աչաբեկող սարսուռ էր տալիս և ծովակի դառնագին հառաջանքը, որը՝ ի մի խառնելով նրանց ճիչ ու աղաղակների հետ՝ մի տարերային այնպիսի մեծադղորդ որոտումներ, գոռում-գոչումներ և բարձրագոչ ոռոնցներ էին առաջացնում, որ հանուր սոսկումը, ահ ու սարսափը իրանց մահագոչ լուսթեամբ կապում, կաշկանդում էին կենդանի արարածների քաղցրախօս լեզուները, և քար լուսթիւնը իր մեռելային մշտալուր թերերով տիրապետում էր ամենուրէք:

Այս, տարերային նման յախուռն խառնաշփոթութիւնների ժամանակը բնութիւնը մտնում է իր գերագոյն գերի մէջ և մահագուշակ սարսափը թագաւորում է ամենուրէք:

Ահա բնութեան այդ օրհասին Սագէի և նրա որդի ներսէի մէջ տեղի ունէր նոյնպէս մի այնպիսի խօսակցութիւն, որը գրեթէ մոռացութեան էր տալիս տիրող շրջապատի գերագոյն տագնապը:

— Ներսէ, լաօ, ինձ լսիր, ձեռք վերցրու էդ

արիւնոտ ճանապարհից. կեանքիս վերջալուսին մի թիւնաւորիր իմ օրը, մի սեացրու իմ արեց, աղու լեզի մի խառնիր իմ կերակուրի հետ: Սիրտս տակն ու վրայ է լինում մի ներքին ձայն իր ուժեղ շեշտով գոչում է ինձ, իսկ ես, տառապեալ հայրդ, աղաչ-պաղատում եմ քեզ, գու, արի, ինձ լսիր, մի գնա: Ես հակառակ չեմ ընկածներին, թոյլերին և անարգւածներին օղնութեան ձեռք մեկնելուն, միայն էս անգամին, երբ դեռ ծովի էն կողմը—Գիւնէն—էդպիսի բան չկայ, մի գնա, վաղաժամ է: Յիսուն երկար ու ձիգ տարիներս ապարդիւն չեմ անցկացրել կեանքի մեծ գասեր եմ առել շափւեր, ձեւել էդ կեանքի մէջ. փորձութեան գասեր առել նրանից, և միշտ էլ հետեւ սրտիս ձայնին, որը երբէք չի խաբել ինձ, հենց էդ հիման վրայ էլ պնդում եմ, որ չգնաս», — մի թախծոտ, մի տրտմազին ձայնով, որի մէջ լուսում էր սիրող հօր այրւած-պապակւած սրտի ըզգայուն լարերի գալարւող շեշտը, աղերսում էր Սագէն իր որդուն:

— Հայր, խօսք ու երգում եմ տւել ընկերներիս տանջանքի բովում վառւող, եփւող խեղճերի, անձարների անունով և երգմնազանց անկարող եմ լինել: Ես հակառակ չեմ քեզ, միայն վիտեմ, որ շատ անգամ սրտերը իրանց այս ու այն կոչով ու ենթադրութիւններով կարող են սիալւել: Բացի այդ մենք երկար չենք մնալու Գիւնէում, այլ մի թեթե պտոյտ կանենք այնտեղ, որպէս զի կատաղած փրփրոտած անհաւատոները տեսնեն, որ իրանց հարեան փոքրա-

թիւ հայերը անպաշտպան չեն, ապա կվերադառնանք
մի քանի օրից յետոյ — առարկում էր նէրսէն:

— Արդի, քեզ դպրոցն է սովորեցրել որ սրտերը
կարող են սխալւել իսկ ինձ կեանքը իր բազմաթիւ
փորձերով: Դպրոցը առանց կեանքի փորձերի ինձ հա-
մար էն չէ, ինչ դու կարծում ես: Բացի էդ՝ հարա-
գատ սիրտը ունի իր առանձին գուշակութիւնը, որը
իմ յիսուն տարւայ ընթացքում երբէք, կրինում
եմ, չի խարել ինձ: Ես հաւատում եմ դպրոցին, բայց
աւելի շատ՝ կեանքին, մէկը առանց միւսի ունի իր
թերութիւնները, միայն չպէտք է մոռանալ, որ կեանքը
պարունակում է իր մէջ ամեն բան: Ես այդ կեանքի
հարազատ զաւակն եմ և երկրպագուն:

— Ա՛խր, ինչո՞ւ ես դու վախենում: Հայր, ահա
այս զէնքերը իմ ձեռքիս են. մի՞թէ ես կնիկարմատ
եմ: որ նրանցով չկարողանամ հատուցում տալ թըշ-
նամիներիս: Եթէ բանը այդ տեղը հասնի:

— Ա՛խ, որդի, լսիր ինձ: Էդ զէնքերը շատերի
տունն են քանդում: Երբ ես խօսում եմ կեանքի մա-
սին, դու պիտի լաւ հասկանաս, որ զէնքն էլ է ապար-
դիւն էնտեղ: Դու լաւ իմացիր, որ ինքդ մի տարի էլ
չկայ, որ զէնքի հետ գործ ունիս, էն էլ ոչ միշտ ու-
րեմն զէնքը քո ձեռքին շատ անդամ էն չի լինի, ինչ
նրա ձեռքին, որը տասը տարի է վեցրել-դործ ածել
նրան: Զէնքն էլ ունի իր լեզուն, որը անհասկանալի
է հիմի քեզ: Մենակ զէնքով բան չի լինի:

— Յո ասելուց երեսում է, հայր որ ինձ չես
թողնելու: բայց ես կերթամ, երդումն բարձր է ա-
մեն բանից:

— Այս, եթէ ինձ լսես, չեմ թողնելու և չեմ էլ
ցանկանում: որ ուրանաս երդումդ:

— Ի՞նչ կանես որ:

— Ի՞նչ ... քեզ սպասեցնել կտամ, մինչեւ որ քո միւս
ընկերները, որոնք վայէ-վայից վանքի կողմերն են,
դան՝ նոր կասեմ՝ «լաօ գնա», որովհետեւ էդ ընկեր-
ներիդ մէջ կան տղաներ, որոնք զէնքի հետ երկար
ու ձիգ տարիներ են քնել ու զարթնել: Խօմ դու
չես երդւել առանց նրանց գնալու: Գիտեմ երդւել
ես Գիւնէ գնալ ու կը գնաս դրանց հետ:

Ներսէն տեսաւ, որ հօր հետ ոչինչ չի կարող ա-
նել, վճռեց խաբել նրան:

— Հայր, գուցէ հէնց էդպէս էլ անեմ: հիմի պիտի
անցնենք գեռ նորագուզ գիւղը, որտեղից պիտի ճա-
նապարհւենք Գիւնէ ծովի վրայով: Տեսնում ես, ծովը
ալեկոծւում է, զնալ չի լինի: Մենք կանցնենք նորա-
գուզ, կիմբւենք և կսպասենք մեր միւս ընկերներին,
որոնք Մահղէսու առաջնորդութեամբ շուտով պիտի
գան վայէ-վայի կողմերից: Մենք կմիանանք նրանց
հետ և կինանք:

— Էդ զէպէումն կարող ես, միայն զգուշութիւն
որը շատ անգամ մեծ գործ է տեսնում: քան քո
զէնքերը:

Ներսէն ուրախացած մօտեցաւ հօրը, համբու-
րեց նրա ձեռքը:

Ծերունի Մագէն արտասւաթոր աչքերով զրկեց
նրան և այնպէս պինդ սեղմեց նրան իր կրծքին, կար-
ծես թէ՝ վերջին անգամ էր տեսնում նրան:

Եւ այսպէս, հրաժեշտ տալով իւրայիններին, Ներ-

սէն դուրս եկաւ և կորաւ թանձրաշերտ խաւարի մէջ: ՚Երա յետելից մի ուժգին թափով լսւեց քամիների դժոխային ոռնոցներ, կատաղի սուլոցներ, ու Սագէն կսկծաց ողջ մարմնով. նրան թւում էր թէ՝ դրանք յաւիտեան իւլեցին իրանից իր ՚Ներսէին:

Լուսաբացին նորադուզի ծովեղերքին խմբւած իր ընկերներով ե...եցի Մուշէն, որոնց մէջ էր և ՚Ներսէն, պատրաստւեցին լողալ դէպի Գիւնէ: Սակայն ծովը տակաւին շարունակւում էր ալեկոծւել միրկածուփ ալիքներով, և նաւավարները սիրտ չէին անում ոչ մի պայմանով ճանապարհ ընկնել:

— Ես ձեզ ասում եմ՝ հէնց այս ըոսկէիս նաւակները առաջ բերէք, ՚Նստենք. եթէ ոչ, — սպառնագին ճայնով ճչում էր ՚Ներսէն:

— ՚Ներսէ, ի սէր Աստուծոյ, մեղք ենք մենք, ընտանիքի տէր ենք, կսեղդւենք մենք էլ, դուք էլ, — թախանձում էին նաւավարները:

— Տօ, անզգամներ, ես ձեզ հետ պիտ՝ խաթրով խօսեմ, հա՞:

Այս ասելով նա փամփուշը դրեց հրացանի մէջ և բերանը ուղղեց երկու կրակի մէջ ընկած նաւավարներին:

— Աման, մի սպանիր, մի սպանիր, կգնանք. մեղք ու վարձը քո վիզը լինի, — վախեցած ճայնով աղաչում էին նաւավարները:

— Դէ՛հ, շուտ պատրաստեցէք նաւակները, — հընչում էր ՚Ներսէն, շարունակելով բռնել հրացանը նըրանց վրայ, որից յետոյ վայրկենաբար պատրաստւեցին նաւակները, և ՚Նրանք բոլորը թւով 17 հոդի

մաքառելով տիեզերքի ահարեկող որոտումների հետ լողացին դէպի Գիւնէի նօրջա կոչւած ափը:

VIII.

Մի քանի ժամից յետոյ անընդհատ քափ ու քրտինք թափելով և մաքառելով խռովայոյզ ծովակի տագնապների հետ ՚Ներսէն իր ընկերներով վերջապէս հասաւ նօրջայի ափը: Այստեղից խումբի կարծիքը բաժանւեց երկուսի. մի մասը պահանջում էր՝ ոչ ոքի աչքին չերեալ և իսկոն եեթ ճանապարհ ընկնել լեռներով դէպի հայկական գիւղը: որը գտնւում էր որոշ հեռաւորութեան վրայ, որի պաշտպանութեան համար և գնացել էին իրանք. իսկ միւսը՝ պահանջում էր՝ մտնել մօտակայ մալականի գիւղը, հանգստանալ, ապա շարունակել իրանց ճանապարհը: Դժբաղդաբար վերջինների պահանջը տարաւ յաղթանակը, և տղաները մտան մալականի զիւղը և պատսպարւեցին ճանապարհի վրայ գտնւող մալականի խանութում: Այստեղ տղաների ուշադրութիւնից վրիպեց մի դէպք, որը տակն ու վրայ արեց ՚Նրանց ողջ ծրագիրը:

Գիւղում կային պատահմամբ մի քանի թուրքեր, և մալականները երկնչելով, որ պատսպարելով տղաներին, լարում են իրանց դէմ հարեան թուրքերին և թշնամացնում իրանց հետ և որպէս զի այդ բանը տեղի չունենայ, մի առ մի պատմեցին այդ թուրքերին և տղաներին ստիպեցին հեռանալ իրանցից և իզուր իրանց թշնամութեան պատճառը չը

դառնալ։ Ոչ մի բան յետ չկանգնացրեց մալականներին իրանց որոշմունքից և տղաները ստիպւած եղան անձանօթ ձորերով ու արահետներով շարունակել իրանց ճանապարհը։ Ինչ կարծիք, որ թուրքերը նախ քան տղաների գուրս գալը կայծակի արագութեամբ թռան մերձակայ թրքաբնակ զիւղերը և ոտքի կանգնացրեցին նրանց բնակիչներին, որոնք ստուար-ստուար զիւած խմբեր կազմելով բռնեցին թակարդի մէջ ընկած մեր տաքարիւն և անհեռատես տղաների ճանապարհը թէ առաջից և թէ կողքերից։ իսկ ետեկց ծովն էր ու Մալականի գիւղը։ Երբ փոքր ինչ առաջ գնացին, Ներսէն սար ու ձոր բարձրացնելով իր հայեցքը, մնաց տեղն ու տեղը քարացած։ Նա տեսաւ դարան մտած բազմութիւնը ու կշռելով իրանց դիրք ու դրութիւնը սոսկաց ողջ մարմով։

—Մուշէ, դու մեր առաջնորդն ես, մեր զրութիւնը ցնցող է։ առաջ գնալ օգուտ չի բերի, վերադառնանք ծովի ափը։ Նկատեց նա իրանց զլիսաւորին։

—Ներսէ, վերադառնանք ծովի ափը, դարձեալ օգուտ չենք ստանալ, մալականները զինւած են, չեն թողնում։ որ մենք այլևս իրանց գիւղը մտնենք, պարզ է, որ թուրքերը մեզ պիտի հալածեն մինչեւ ափը և կոտորեն։ Աւելի լաւ է, ձայն տանք նրանց, որ մենք ճանապարհորդներ ենք և իրանց հետ գործ չունենք, գուցէ թողնեն անվտանգ անցնենք։

—Դու գիտես, բայց մեր զրութիւնը աւելի քան վտանգաւոր է, զնանք։

Դեռ մի քանի քայլ չեխն արեր, երբ առաջից և

յետեկց կարկտի արագութեամբ թափւեց նրանց գըլխին գնդակների մի սոսկալի տարափ։ Որքան Մուշէն ձայն տւեց, հաւատացրեց, որ իրանք անվտանգ անցորդներ են, անկարող եղաւ համոզել թուրքերին։ վերջիններս արդէն գիտէին թէ՝ ում հետ գործ ունեն։ Այստեղ մի զոհ տարով, տղաները նահանջեցին դէպի ծովի եղերքի ժայռերը, ուր և գիրք մտնելով սկսեցին պատասխանել նրանց։ Տարաբաղդաբար, նրանց գնդակները բոլորն էլ գրեթէ անցնում էին առանց նպատակի։ պատանման ժայռերի տակից նրանք անկարող էին վերևում գիրք բռնած իրանց հալածող թշնամիներին մազաշափ վնաս անդամ տալ։ Ընդհակառակն, թուրքերը իւրաքանչիւր անդամ երբ տղաները դուրս էին հանում ժայռերի տակից իրանց զլուխները, որպէս զի նշան բռնեն, պարզ տեսնում էին նրանց առանց վրիպելու տեղն ու տեղը կամ զնդակահար էին անում նրանց կամ վիրաւորում։ Տեսնելով, որ գործը այսպէս կարող է աւելի երկարել, անհաւատները սկսեցին նաւթ սրսկել տղաների վրայ և վառւած խոտեր ու քօթուկներ զլորել վերեկց դէպի նրանց, որից յետոյ խեղճերի գրութիւնն դժոխային կերպարանք ստացաւ։

Շատերը խեղդւելով ծովխից ու կրակից իրանց նետում էին ծովը ու յաւիտեան կորչում նրա ցուրտ ջրերում։ Փակւած իր ծխալից որջում ներսէն զգալով, որ իր վախճանը մօտ է, չերոսական վճռողականութեամբ ոդւրւած՝ մի քանի ստիւնով թռաւդէպի ծովակի մէջ եղած մօտակայ ժայռը, որի կատարը փոքր ինչ դուրս էր ջրից, և մտաւ նրա ետե։

Եթէ նա հանգիստ նստէր այստեղ, թերեւս անմնաս
ազատւէր, ինչպէս ազատւեցին իրա ընկերներից շա-
տերը. սակայն նեղածների, տնանկների ու խեղճերի
օգնելու տենչով ուստով կռւի. դաշտ իջած կտրիճը
անկարող եղաւ դիմադրել իր ներքին կարեկցական
անձնագոհ զգացմունքներին և այստեղից կիսով չափ
ջրի մէջ նստած՝ սկսեց կրակել դէպի թուրքերը, որ-
պէս զի արգելք լինի նրանց կրակներ թափել իր ըն-
կերների վրայ: Թուրքերի կատաղութեանը չափ չը-
կար. նրանք տեսնում էին, որ կտրիճի գնդակը իւ-
րաքանչիւր անգամ իրանց շարքերից դուրս էր բե-
րում մէկ, երկու կռւողների, և վճռեցին, ինչպէս էլ
որ լինի, վերջ տալ կտրիճի կեանքին: Եւ ահա, մէկ
անգամ, իրը նա գլուխը դուրս բերեց ժայռի յետե-
ւից, որպէս զի կրակի իր հրացանը, թուրքերից ամե-
նայայտնի հրացանաւորը պարպեց իր ձեռքինը: Մի
ջղաձգական ցնցում գործեց քաջի ողջ մարմինը, և
ձեռքի հրացանը նետելով դէպի ծովի անդունդը, ինքը
խոր հառաչելով ընկաւ նրա ցուրտ ջրերի զրկում:
Վէրքը մահացու էր:

Գիւնէի վաղորդեան հովասուն զեփիւոը մի մեղ-
մագին, մի միապաղաղ շււոցով հանգարտ և դուրակի
ձայնով թեթևակի փչում էր՝ ասես իր այդ միալար
փսփսուկով տքնում էր ցրելու քնէած երկրի երեսին
դիզւած այն սևերես մշուշը և անխօս մրափը, որը
իր համատարած թեթերով կապել-կաշկանդել էր ամեն

ինչ իր տեղում: Եւ իր բազմազան ճամբին մերթ սըր-
տալի քնքութեամբ, մերթ պապակւած անյագ ծա-
րաւով գուրում-գուրգուրում էր տակաւին խորա-
սուզւած քնի քաղցրաշունչ խորաններում վշտահար
աշխարհի չարաբաղդ զաւակների, քար ու թփի ան-
սասան ու տագնապոտ երեսը և օձային գալարներով
ճիգեր թափում ոտքի կանգնեցնելու թմրած բնու-
թիւնը:

Սակայն ապարդիւն

Համատարած տարերային նիրհը տակաւին իր
անդորր թափով շարունակւում էր: Միայն տեղ-տեղ
չեռաւոր ամայութեան մէջ լսում էր այս ու այն
լերան խոռոչներից քաղցած թռչունների, գազանների
խոպոտագին կոնչոցը, որը համր տիեզերքի ովկիանո-
սում անտես հալւում ու անհետանում էր: Իսկ
այստեղ, քթիդ առաջին ծովակն էր իր փշուր-փշուր
ալիքներով և ծփում և փշում և վշշում պըճ-
պճում ու լալիս, ասես իր այդ խլածայն հեծեծանք-
ներով օրօրներ փսփսում և հանգիստ մաղթում
քնած բնութեան, արար-աշխարհին: Մինչդեռ ծովի
երեսին այդ ժամին, որպէս հաւքերու երամի անդա-
դար տարուբերուում էին բազմաթիւ նաւակներ, որոնք
ջրի ալեծածան և խշացող մակերևոյթին հազիւ-հազ
նչմարւում էին և դէպի նորադուզ գիւղի տափա-
րակը ընթանում մի այնպիսի լողով, որ թւում էր
թէ՝ անհուն տիեզերքի վիշտ ու տառապանքով, ցաւ
ու դարդով լինին բեռնաւորւած և դէպի արնածոր
արցունքի սրտաճմիկ և անդարձ գերութեան կապանք-
ները յաւիտեան շարժւելիս լինին: Ոչ մի ձայն, ծըպ-

տուն չեր լսւում այդ մեռելագոյն նաւակներից,
որոնք սակայն տակաւ առ տակաւ մերձենում էին
ափին, ուր օրւայ այդ պահուն միայն մի հատիկ
մարդ էր՝ կարծես բռնկւած գիւտային շարախինդ գա-
լարներով՝ անդադար անց ու դարձ անում յետ ու
տուաջ գնում լռակեաց տնքում հեծեծում ախ ու
վախ հառաջում և միալար անյոյս դէպի մերձեցող
նաւակների երամը նայում և վերստին շարունակում
իր անչափ, անկշխու և անհաւասար քայլերը: Մուայ-
լութեան թախծոտ սև շղարշով թւում էր պատած
լինէր նրա ողջ էութիւնը: Հայեացքը վրդովազին և
պղտոր, դէմքը ցաւոտ և սև մրուրով համակւած,
որից սուգ-դժոխք էր ծորում: ճակատը վշտահիւս,
որի տակից, որպէս կնճռուտ ամպերի շարքերում: մերթ
անմարելի բոց ու կրակ, մերթ մեռնող կեանքի վեր-
ջին ցոլքեր էին ժայթքում նրա արնաշիթ աչքերից:
Որքան նաւակները մերձենում էին, այնքան առաւել
խոռվայոյզ կերպարանք էր առնում անծանօթը և
ինքնիրան կորցնում, զարգանդում, դողում ու ցըն-
ցւում ցաւերի աշեղ փոթորիկներից: Անսիրտ և ան-
ծայր տանջանաց գոռ հեղեղը մի հուժկու թափով,
ահարկու մոնշիւնով զարնում զլորում էր նրա յաղ-
թահար ողջ էութիւնը և դէպի խելացնորութեան
հիասթափիչ հեղեղատը մկում և պապանձեցնում:
լոլ դարձնում նրա յաւէտ քաղցրախօս լեզուն:


Եւ նա լուռ էր լուռ ծով տանջանքի, ծով
կակիծի բովում ի տես արար-աշխարհի

Քնաթաթախ կեանքը հետզհետէ ոտքի ելաւ ...
Եւ նորադուզից մինչեւ ծովափը ծածկւեց շար-

ժւող մարդկանց ստւարախիտ բազմութեամբ, որոնք
հապձէպ քայլերով, խորունկ տրտմութեամբ լցւած՝
յոյսակորոյս և անմէր գառների նման խմբւում էին
տիին և անվերջ յառում իրանց վշտահիւս հայեացքը
նոյնպէս դէպի եկող նաւակները, վերջապէս եկող-
ները նոր նշմարեցին վշտի ծովի մէջ խեղդւող ան-
ծանօթին և մէկ-մէկ մօտենալով նրան փորձեցին սիրտ
տար յուսագրել-միսիթարել նրան թէ՝ «լուրը կարող
է սուտ, հնարովի լինել», թէև իրանք էլ զգում էին,
որ զիմակաւորւած կեղծիքի հովերով խաբում են և
իրանց և՝ անծանօթին, որը զրանց իւրաքանչիւր նը-
ման միսիթարական դարձւածքներին մի անսասան և
խոր հաւատով լոելեան-նշանացի պատասխանում էր,
գնելով դողդոջուն ձեռքը իր սրտի վրայ, կարծես,
ուզում էր ասել. «անտեղի են, անտեղի ձեր սրտա-
ռուչ յուսագրով խօսքերը, քանի որ այ սա (սիրտը)
իր տխրագին և վեհ լուռթեամբ իր գերեզմանաշունչ
մեղեգին է շշնջում ինձ և թօշնած կեանքի վշտոտ
սօսափը ազդարարում: աղեկտուր է զրա ձայնը, որը
յիսուն տարւան փորձալից ընթացքում երբէք-եր-
բէք չի խաբել ինձ: Ուրեմն աւելորդ են ձեր խօսքերը,
երբ սիրտս է խօսում ինձ հետ» ...

Նաւակները հասան Ափին խմբւած հօծ
բազմութիւնը մառացաւ անծանօթին ու վրայ վազեց,
և զիակ-զիակի ետևից դուրս բերւեցին շարէշար
կանզնած նաւակներից և զետեղեցին ծովի ափին
փխրուն աւազի վրայ:

Իեռ գուրս էին բերում երբ անծանօթը մի
մոլեգին թոիչքով առաջ անցաւ, խելակորոյս մօր



Նման դէպի այս ու այն դիմակը վազեց և յանկարծ
մի հզօր թնդիւնով և ահեղ ճիշով այնպէս դառնա-
գին որոտաց, որ կարծես արար-աշխարհը քանդւեց,
փուլ եկաւ և «Ներսէ ջան, լաօ, իմ ազնաւուր, իմ
արծիւ բալայ» գոռաց և դալկացած կիսակենդան ըն-
կաւ սպանւածի դիմակի վրայ:

Դա ներսէենց Սագէն էր:





ՀՀ Ազգային գրադարան



NL0340472

34068

